



Plean Áitiúil Spóirt agus Gníomhaíochta Coirp Dhún Laoghaire-Ráth an Dúin

2025-2029

Réamhrá	03
Fís/Cuspóir/Misean	04
Roinn A – Comhthéacs	05
An Tábhacht a bhaineann leis an Spórt agus leis an nGníomhaíocht Coirp in Éirinn Mar a a Sheasann Cúrsaí i nDún Laoghaire-Ráth an Dúin	06
i) Príomhpháirtithe Leasmhara	10
ii) Beartaís Reatha Spóirt & Gníomhaíochta Coirp	14
iii) Leibhéil Reatha Rannpháirtíochta	19
iv) Comhairliúchán	27
Torthaí Foriomlána an Athbhreithnithe	37
Roinn B – Téamaí agus Cuspóirí	38
i) Daoine - Áiteanna Pobail Níos Gníomhaí a Éascú	39
ii) Na Saoráidí a Úsáidimid	48
iii) Soláthar - An Plean a Fhóru	57
iv) Spéir Ghorm - Féachaint chun Cinn	61
Roinn C – Spórt le Spórt i bhForléargas DLR	63
Aguisín	80
2023 Sampla ISM dlr	81
Caidreamh Inmheánach & Seachtrach le Páirtithe Leasmhara	83
Critéir maidir le Forbairt Saoráidí Amach Anseo	84
Téarmaí Tagartha don Straitéis Pitseála	85

Réamhrá

Tá cuid de na clubanna spóirt is mó agus is rathúla in Éirinn i nDún Laoghaire-Ráth an Dúin. Aithnítear freisin i monatóireacht náisiúnta a dhéanann Spórt Éireann go bhfuil sé ar cheann de na pobail is gníomhaí sa tír.

Sa phlean seo déanaimid ceiliúradh ar gach rud atá go maith ach féachaimid le déanamh níos fearr, níos mó daoine ó gach cúlra a bhaint amach, agus saoráidí a sholáthar inar féidir leis an líon is mó daoine a bheith gníomhach ar na bealaí is éagsúla.

Rud is ea an spórt agus bheith gníomhach a théann i bhfeidhm ar an gcuid is mó dár saol agus tá sé an tábhachtach dár sláinte phearsanta agus do chomhtháthú ár bpobal.

Forbraíodh an phlean seo i ndiaidh rannpháirtíocht shuntasach le go leor páirtithe leasmhara agus ionadaithe ó go leor grúpaí difriúla agus éagsúla. D'fhoghlaim sé uathu siúd atá rannpháirteach cheana féin agus uathu siúd ar féidir feabhsú a dhéanamh dóibh, ó fhir, ó mhná agus ó pháistí ar fud an Chontae, uathu siúd atá faoi mhíchumas agus uathu siúd ó chohóirt éagsúla eitneacha, buntáiste shóisialta agus aoise.

Ba mhaith liom buíochas a ghabháil le gach duine a chuidigh ag cruinnithe halla an bhaile, i ngrúpaí fócais speisialta, i suirbhéanna ar líne, agus trína gcuid tuairimí agus riachtanais a chur in iúl.

Ba mhaith liom buíochas a ghabháil freisin le baill foirne Chomhairle Contae Dhún Laoghaire-Ráth an Dúin, le Fóillíocht dlr agus lenár gComhpháirtíocht Áitiúil Spóirt, atá tiomanta do chuidiú linn go léir a bheith gníomhach agus sláintiúil i gcónaí. Táim ag tnúth le dul chun cinn an phlean a fheiceáil sna míonna agus sna blianta atá amach romhainn.



**Clr Jim O'Leary, An Cathaoirleach,
Comhairle Contae Dhún Laoghaire-Ráth an Dúin**

Leagtar amach sa Phlean um Spórt agus Gníomhaíocht Coirp nua seo do Dhún Laoghaire-Ráth an Dúin do na blianta 2025 – 2029 ár dtiomantas do thacaíocht, cláir agus saoráidí a sholáthar chun go mbeidh ár bpobal ábalta saol níos sláintiúla agus níos gníomhaí a bheith acu.

Táimid i measc na gceantar is gníomhaí sa tír cheana féin agus tá dea-chaidreamh oibre cruthaithe againn le go leor páirtithe leasmhara agus féachaimid le leanúint leis sin agus é a fheabhsú trí níos mó ná seasca cuspóir atá leagtha amach sa phlean seo.

D'fhéachamar ar dtús ar dhaoine, ar an dóigh a bhfuil siad gníomhach, agus ar an dóigh ar féidir linn tacú leis sin agus na daoine nach ndéantar freastal ceart orthu a bhaint amach. D'fhéachamar ar na háiteanna ina bhfuil daoine gníomhach, ónár bhfaichí agus ónár bpáirceanna, go dtí ár raonta, ár hallaí aclaíochta, ár spásanna laistigh, ár linnte snámha agus ár dtimpeallacht nádúrtha. D'fhéachamar ar conas a sholáthraímid ár réimse leathan clár agus áiseanna spóirt, ar obair dlr Leisure agus ár gComhpháirtíochta Áitiúla Spóirt. Agus d'fhéachamar níos faide ar aghaidh sa todhchaí le roinnt smaointe faoin spéir ghorm a d'fhéadfaí a fhíorú i ndiaidh an phlean seo.



**Frank Curran, Chief Executive,
Dún Laoghaire-Rathdown County Council**

PLEAN ÁITIÚIL SPÓIRT AGUS GNÍOMHAÍOCHTA COIRP



FÍS

Deiseanna spóirt agus gníomhaíochta coirp a chruthú do chách.



CUSPÓIR

Feabhas a chur ar fholláine coirp agus mheabhrach gach duine a chónaíonn agus a oibríonn i nDún Laoghaire-Ráth Dúin agus a thugann cuairt air.



MISEAN

Na háiseanna agus na cláir chearta a chruthú chun Dún Laoghaire-Ráth an Dúin a shuí mar cheannródaí in Éirinn don spóirt agus ghníomhaíocht coirp.

Oibriú ar fud an údaráis áitiúil agus le clubanna seachtracha agus eagraíochtaí comhpháirtíochta ar an leibhéal áitiúil agus náisiúnta chun é sin a bhaint amach.

Leibhéil rannpháirtíochta a bhaint amach ar fud ár bpobail ar fad a threoraíonn an bealach i gcomhthéacs náisiúnta



ROINN A COMHTHÉACS

An Tábhacht a Bhaineann leis an Spórt agus leis an nGníomhaíocht Coirp in Éirinn

Comhthéacs

De réir “Thuarascáil Bhliantúil um Monatóireacht Spórt Éireann 2023” arna soláthar ag Spórt Éireann, ghlac **47% de dhaonra de dhaoine fásta na hÉireann páirt go rialta sa spórt in 2023**, méadú 4 faoin gcéad ó 2022.

Is ionann é sin agus thart ar **1.97 milliún duine fásta** a ghlac páirt sa spórt agus 202,000 duine fásta a d’fhill nó a thosaigh ar pháirt a ghlacadh sa spórt ó 2022 i leith.

Sa tuarascáil seo, aicmíodh 39% den daonra mar dhaoine a bhí thar a bheith gníomhach in 2023, rud a chiallaíonn gur chomhlíon thart ar 1.6 milliún duine fásta na Treoirlínte Náisiúnta um Gníomhaíocht Coirp trí spórt agus siúl mar chaitheamh aimsire.

a bhí thar a bheith gníomhach in 2023, rud a chiallaíonn gur chomhlíon thart ar 1.6 milliún duine fásta na Treoirlínte Náisiúnta um Gníomhaíocht Coirp trí spórt agus siúl mar chaitheamh aimsire.



Sláinte



Tá baint ag gníomhaíocht coirp rialta le sláinte agus folláine fheabhsaithe, rud a chuidíonn le stíleanna maireachtála dearfacha a chruthú agus a laghdaíonn na rátaí básmhaireachta.

Tá na leibhéil mhéadaithe ó thaobh gníomhaíocht coirp ar fud an daonra ina gcuid thábhachtach de chlár oibre níos leithne an Rialtais chun sláinte agus folláine na ndaoine a chónaíonn in Éirinn a fheabhsú.

I “bPlean Gníomhaíochta Straitéiseach Éire Shláintiúil 2013-2025”, sonraítear cuspóir “eolas agus feasacht mhéadaithe i measc an phobail agus gach páirtí ábhartha eile maidir leis na buntáistí a bhaineann leis an ngníomhaíocht coirp agus conas a bheith gníomhach” a éileamh.

Eacnamaíochta



Tá ról sóisialta ríthábhachtach ag an spórt agus ag an ngníomhaíocht coirp ar leibhéal an duine aonair agus an phobail araon. Dáimh a chruthú idir daoine aonair, aonrú a laghdú agus cuidiú le cuimsiú agus comhtháthú a chur chun cinn laistigh de phobail.

Is léir, áfach, nach bhfaigheann gach earnáil dár sochaí na buntáistí a bhaineann le rannpháirtíocht ghníomhach sa spórt mar an gcéanna faoi láthair.

Léirítear sa “Bheartas Náisiúnta Spóirt 2018-2027” go bhfuil leibhéil rannpháirtíochta sa spórt i bhfad níos lú i measc grúpaí socheacnamaíocha níos ísle, daoine faoi mhíchumas, grúpaí níos sine agus mná.

Eacnamaíoch



Tá buntáiste eacnamaíoch suntasach ag baint le rannpháirtíocht sa spórt agus sa ghníomhaíocht coirp, agus 3.1% de chaitechas tomhaltóirí in 2018 ar earraí agus ar sheirbhísí a bhain leis an spórt.

Tá ról ríthábhachtach ag oibrithe deonacha anseo freisin, agus cuireann siad luach thart ar €1.5 billiún ó thaobh ama agus dua de ar ais sa tionscal.

Thuairiscigh an “Beartas Náisiúnta Spóirt 2018 – 2027” costas thart ar €1.5 billiún ar ár mbuiséad sláinte bliantúil mar gheall ar neamhghníomhaíocht coirp, rud a léiríonn scála an tsochair airgeadais atá le baint amach.

Acadúil



Tacaíonn fianaise staidrimh leis an tuiscint atá ann le fada gur féidir leis an spórt agus leis an ngníomhaíocht coirp cuidiú le feidhmíocht acadúil.

I staidéar taighde ESRI 2013 “Keeping Them in the Game”, fuarthas gaol dearfach idir imirt spóirt agus feidhmíocht na hArdteistiméireachta, agus fuarthas éifeacht chodarsnachta feidhmíochta orthu siúd a d'éirigh as an spórt, go háirithe caillíní óga.



Téann spórt agus gníomhaíocht coirp go mór chun tairbhe don tsochaí agus don duine aonair, rud a thagann méadú air agus níos mó den daonra ag glacadh páirt iontu.

Mar thoradh air sin, féachtar leis an bplean seo do Dhún Laoghaire-Ráth an Dúin le rochtain ar an spórt agus ar an ngníomhaíocht coirp a mhéadú do chách ar fud an Chontae.

Chun a dhéanamh amhlaidh, ní mór an struchtúr reatha, na beartais atá ann cheana, agus an fheidhmíocht fhoriomlán i soláthar spóirt agus gníomhaíochta coirp a scrúdú chun réimsí láidreachta a leanfar leo, agus réimsí coibhneasta laige a bhfuil feabhas le cur orthu a shainaithint.



Mar a Sheasann Cúrsaí i nDún Laoghaire-Ráth an Dúin

Réamhrá

Tá an-chúlra ag Comhairle Contae Dhún Laoghaire-Ráth an Dúin maidir le spórt agus gníomhaíocht coirp a fhorbairt agus tacú leo sa Chontae. Tá thart ar 300 club spóirt ann i 48 spórt agus gníomhaíocht coirp de chineálacha éagsúla. Tá os cionn 120 áis spóirt ar leith ar fud an Chontae chomh maith le háiseanna spóirt sna 79 bunscoil agus 38 meánscoil.

Aisteach go leor, tá ceann de na rátaí rannpháirtíochta is airde sa spórt agus sa ghníomhaíocht coirp i measc daoine os cionn 16 bliana d'aois sa tír i nDún Laoghaire-Ráth an Dúin mar a thugtar chun suntais i “dTuarascáil Bhliantúil um Monatóireacht Spórt Éireann 2023”. Tá tuilleadh eolais faoi na leibhéil rannpháirtíochta sin leagtha amach níos faide thíos sa roinn seo.

Chun a thairiscint do shaoránaigh a fhorbairt tuilleadh, d'fhoilsigh Comhairle Contae Dhún Laoghaire-Ráth an Dúin roinnt doiciméid beartais straitéisigh ábhartha, lena rialaítear spórt agus gníomhaíocht coirp sa cheantar. Chuireamar béim ar roinnt de na doiciméid sin sa roinn seo.

Tá soláthar spóirt agus gníomhaíochta coirp ann i nDún Laoghaire-Ráth an Dúin mar gheall ar an dua agus an tacaíocht ó réimse leathan eagraíochtaí agus comhlachtaí lena n-áirítear clubanna spóirt áitiúla, eagraíochtaí reachtúla ar an leibhéal áitiúil agus náisiúnta, institiúidí oideachais, grúpaí agus eagraíochtaí pobail, comhlachtaí ionadaíocha, soláthraithe áiseanna spóirt, Comhairle Contae Dhún Laoghaire-Ráth an Dúin agus Comhpháirtíocht Spóirt Dhún Laoghaire-Ráth an Dúin.

Pléifear na struchtúir atá i bhfeidhm chun an méid thuas a sholáthar, chomh maith leis na doiciméid beartais straitéisigh, na leibhéil rannpháirtíochta reatha, agus an rath a fheictear sa réimse sin, sa roinn seo a leanas.



MAIDIR LE 233,860

**Fás daonra
dírithe ar Bhaile
Uí Ógáin, Dún
Droma, Dún
Laoghaire**

AN DAONRA IOMLÁN IN 2022

(suas ó 218,018 in 2016), agus tá sé réamh-mheasta go méadóidh sé go 249,125 ar a laghad faoi R1 2028

**350 SPÁS
OSCAILTE**

thart ar
1,000 heicteár



95

PÁIRCEANNA
FÉIR DLR

14

STÁISIÚIN
ACLAÍOCHTA
LASMUIGH

7

MÓR-PHÁIRC
EANNA

3

IONAID
FÓILLÍOCHTA

41

TAILTE IME-
ARTHA

**OS CIONN 300 CLUB SPÓIRT
I MEASC 48 SPÓRT AGUS GNÍOMHAÍOCHT DE
CHINEÁLACHA ÉAGSÚLA**

120 áis spóirt ar leith

chomh maith leis na cinn sin a fhaightear sa 79
bunscoil agus 38 meánscoil sa Chontae

58%

Ghlac 58% de chónaitheoirí Dhún
Laoghaire-Ráth an Dúin páirt sa spóirt le
seacht lá anuas (meán náisiúnta = 47%)

7%

de chónaitheoirí Dhún Laoghaire-Ráth
an Dúin aicmithe mar neamhghníom-
hach (meán náisiúnta = 12%)



Tá **33 Ceantar Beag** laistigh de Dhún Laoghaire-
Ráth an Dúin aicmithe ma faoi mhíbhuntáiste nó faoi
mhíbhuntáiste mór (Innéacs Díothachta Pobal 2016)

i)Príomhpháirtithe Leasmhara



PRÍOMHPHÁIRTITHE LEASMHARA

Comhairle Contae (CoCo dlr) Dhún Laoghaire-Ráth an Dúin

Is í fíis Chomhairle Contae Dhún Laoghaire-Ráth an Dúin bonneagar agus cláir a sholáthar maidir le spórt agus fóillíocht ghníomhach an phobail a bheidh inbhuanaithe, ilchuspóireach agus cuimsitheach.

Chun freastal ar bhealach níos fearr ar an éileamh, an bonneagar maidir le spórt agus fóillíocht ghníomhach an phobail a chomhordú agus béim á cur ar na daonraí is mó a bhfuil gá acu leis.

Déanfaidh an Chomhairle é sin trí chaidreamh agus idirghníomhú le clubanna spóirt áitiúla, eagraíochtaí réigiúnacha agus náisiúnta spóirt, scoileanna, grúpaí pobail agus Fóillíocht dlr.

Tá na baill foirne seo a leanas ag Oifig Forbartha Spóirt Dhún Laoghaire-Ráth an Dúin faoi láthair:

- Oifigeach Forbartha Spóirt
- 2 x ball foirne Riaracháin
- Oifigeach Sinsearach Spóirt (Youth @ Risk 10-24 bliain d'aois arna Mhaoiniú ag UBU)
- Oifigeach Spóirt (Youth @ Risk 10-24 bliain d'aois arna Mhaoiniú ag UBU)
- 2 x Oifigeach Forbartha Peile FAI (cómhaoinithe)
- Oifigeach páirtaimseartha Cruicéid Laighean (cómhaoinithe)
- Oifigeach Pobail Rugbaí Laighean (cómhaoinithe)
- Oifigeach Pobail Rugbaí Ban Laighean (cómhaoinithe)

Nascann an oifig Forbartha Spóirt le Comhpháirtíocht Spóirt dlr, Fóillíocht dlr agus rannóga eile amhail tionscadail Caipitil Pobail, Leabharlann, Taistil Ghníomhaigh agus Páirceanna. Nascann an oifig Forbartha Spóirt le Comhpháirtíocht Spóirt dlr, Fóillíocht dlr agus rannóga eile amhail tionscadail Caipitil Pobail, Leabharlann, Taistil Ghníomhaigh agus Páirceanna.





PRÍOMHPHÁIRTITHE LEASMHARA

Comhpháirtíocht Spóirt Dhún Laoghaire-Ráth an Dúin (dlr).

Ba é Spóirt Éireann a d'fhorbair tionscnamh na Comhpháirtíochta Áitiúla Spóirt (CÁS) chun struchtúr náisiúnta a chruthú d'fhonn forbairt spóirt agus gníomhaíochta coirp a chomhordú agus a chur chun cinn ar an leibhéal áitiúil.

Bunaíodh Comhpháirtíocht Spóirt dlr in 2008, agus oibríonn sí go dlúth le hOifig Forbartha Spóirt Chomhairle Contae Dhún Laoghaire-Ráth an Dúin agus le príomhpháirtithe eile chun rannpháirtíocht, cuimsiú agus comhordú sa spóirt agus sa ghníomhaíocht coirp a chur chun cinn sa Chontae.

I measc phríomhchúraim Chomhpháirtíocht Spóirt dlr tá:

- Tógáil ar an obair atá á déanamh cheana féin ag gníomhaireachtaí comhpháirtíochta
- Struchtúr inbhuanaithe a bhunú chun cuidiú leo siúd go léir a bhfuil baint acu le forbairt spóirt áitiúil (e.g. traenáil d'ardchaighdeán)
- Cláir rannpháirtíochta Spóirt Éireann a chur i bhfeidhm
- Úsáid na n-acmhainní áitiúla atá ann cheana a mhéadú
- Plean straitéiseach a chruthú agus a chur chun feidhme le haghaidh forbairt fhadtéarmach áitiúil spóirt agus gníomhaíochta coirp

Tá Comhpháirtíocht Spóirt dlr á reáchtáil faoi láthair ag foireann seisir ina gcuimsítear na ról seo a leanas:

- Comhordaitheoir Spóirt
- Oifigeach Clár
- Oifigeach Gníomhach um Chuimsiú Daoine faoi Mhíchumas sa Spóirt
- Oifigeach Forbartha Spóirt Pobail
- Oifigeach Cathracha Gníomhacha
- Oifigeach Margaíochta & Faisnéise Spóirt

Tá Bord Chomhpháirtíocht Spóirt Dhún Laoghaire-Ráth an Dúin comhdhéanta d'ionadaithe ó na príomhghníomhaireachtaí agus comhpháirtithe sa Chontae a bhfuil sainchúram maidir le spóirt agus gníomhaíocht coirp acu. Déanann sé maoirseacht ar cheannaireacht na Comhpháirtíochta Spóirt, cinntíonn sé dea-rialachas i ngach réimse dá chuid oibre agus treoraíonn sé a fhoireann chun fíis agus cuspoirí straitéiseacha na heagraíochta a bhaint amach.



PRÍOMHPHÁIRTITHE LEASMHARA

Comhairle Contae Dhún Laoghaire-Ráth an Dúin, Fóillíocht (dlr)

Cheiliúir Dún Laoghaire-Ráth an Dúin, Fóillíocht (dlr) a bunaíodh in 2009, a 15ú bliain ar an bhfód in 2024 agus oibríonn sé trí ionad fóillíochta faoi láthair i mBaile Mhaoileachlainn, i Sruthán na Cluana agus i mBaile an Mhanaigh thar ceann Chomhairle Contae Dhún Laoghaire-Ráth an Dúin. Baineann os cionn 700,000 cuairt lena chlár fhliucha agus thirime gach bliain. Tá 140 ball foirne fostaithe aige ar fud na dtrí shaoráid faoi láthair.

Laistigh de na hionaid sin, tá dlr Fóillíocht freagrach as:

- Cláir chuimsitheacha a chur ar bun ar fud na saoráidí go léir chun freastal ar an bpróifíl iomlán pobail, aoiseanna agus cumais
- A chinntiú go bhforbróidh áiseanna, trealamh agus seirbhísí de réir mar a fhorbróidh saol na haclaíochta, corpacmhainne agus folláine
- Pleanáil straitéiseach agus forbairt na n-áiseanna fóillíochta agus a réimse clár agus oibríochtaí chun eispéireas den scoth a thabhairt do chustaiméirí
- Seirbhís do chustaiméirí
- Earcaíocht agus forbairt na mball foirne
- Cothabháil ar áis Fóillíochta dlr
- Clár na n-ionad a sholáthar

Déanann an Príomhfheidhmeannach agus bord stiúrthóirí ar a bhfuil oifigigh chomhairle ainmnithe agus ionadaithe tofa rialachais áitiúil maoirseacht ar bhainistíocht Fhóillíocht dlr.



PRÍOMHPHÁIRTITHE LEASMHARA **Clubanna Áitiúla Spóirt**

Tá os cionn 300 club spóirt i 48 spórt den chineálacha éagsúla i nDún Laoghaire-Ráth an Dúin.

Is iad na modhanna is éifeachtaí agus is éifeachtúla chun rannpháirtíocht a spreagadh agus ról rithabhachtach a imirt acu laistigh dá bpobail.

Is iad an bealach freisin trína dtreoraítear sruthanna maoinithe ón Rialtas agus cláir na gComhlachtaí Rialaithe Náisiúnta go minic.

Tá an caidreamh idir an Chomhairle agus na clubanna tábhachtach maidir leis an deis is fearr chun deiseanna spóirt a sholáthar agus leas a bhaint as talamh agus réadmhaoin spóirt atá faoi úinéireacht na Comhairle a chruthú.

PRÍOMHPHÁIRTITHE LEASMHARA **Oibrithe Deonacha**

Tá tírdhreach spóirt na hÉireann bunaithe ar chultúr láidir deonach.

Idir clubanna spóirt agus Rití Páirce agus imeachtaí aonuaire agus cláir rialta, tá an spórt níos inbhuanaithe nuair atá éiteas deonach ina chroílár.

Is mian linn a chinntiú go dtacófar a mhéad is féidir leis na hoibrithe deonacha trí oiliúint agus oideachas.

Tá tosaíochtaí gach duine de na páirtithe leasmhara thuas leagtha amach in go leor doiciméid agus straitéisí beartais a phléifear sa chéad roinn eile.



ii) Beartais Reatha Spóirt & Gníomhaíochta Coirp

Cé go bhfuil an Chomhairle agus an Chomhpháirtíocht Áitiúil Spóirt freagrach as spóirt agus gníomhaíocht coirp a sholáthar, rialaítear a ngníomhaíochtaí le doiciméid agus straitéisí beartais éagsúla lena bhféachtar le líon na rannpháirtíochta a mhéadú go hinbhuanaithe agus go cuimsitheach, ach rialaítear soláthar bainistíochta saoráidí dlr le “Straitéisí Fóillíochta dlr 2022-2027”.

Cé go bhfuil roinnt doiciméid beartais shuntasacha sa réimse seo, is iad seo a leanas na príomhstraitéisí agus príomhphleananna atá ann cheana sa spás seo le roinnt blianta anuas agus san am atá le teacht:

- **“Space to Play – Straitéisí d’Áiseanna Spóirt i gComhairle Contae Dhún Laoghaire-Ráth an Dúin 2017-2022”**
- **“Straitéisí Rannpháirtíochta Spóirt Chontae Dhún Laoghaire-Ráth an Dúin 2018-2022”**
- **“Beartas Imeartha Chomhairle Contae Dhún Laoghaire-Ráth an Dúin 2023-2028”**

“Space to Play – Straitéisí d’Áiseanna Spóirt i gComhairle Contae Dhún Laoghaire-Ráth an Dúin 2017-2022”

Cuspóir straitéise: “Conair loighciúil inseachadta a shocrú chun an úsáid is fearr agus is féidir a bhaint as áiseanna spóirt agus gníomhaíochta coirp atá ann cheana agus forbairt áiseanna nua spóirt agus gníomhaíochta coirp laistigh den Chontae.”

Aithníodh sa doiciméad na srianta a bhaineann le forbairt áiseanna nua toisc gurb é an ceantar is mó ina bhfuil dlús ard daonra lasmuigh de lár chathair Bhaile Átha Cliath lena bhfuil luachanna talún a fheidhmíonn mar bhacainn ar fhorbairt áiseanna príobháideacha nó áiseanna club-bhunaithe. Sonraíodh sa straitéis freisin nach raibh sé i gceist go ndéanfaí aon mhórfhorbairt as airgead poiblí chun forbairt áiseanna spóirt nach bhfuil rochtain leathan ag sampla ionadaíoch leathan de dhaonra an Chontae orthu a mhaoiniú.



“Straitéis Rannpháirtíochta Spóirt Chontae Dhún Laoghaire-Ráth an Dúin 2018-2022”

Fís straitéise: “Go mbeidh sé de dheis ag gach uile dhuine i nDún Laoghaire-Ráth an Dúin a bheith gníomhach go fisiceach, trí rochtain a bheith acu ar ghníomhaíochtaí agus ar áiseanna a rachaidh chun leasa dóibh, dá riachtanais agus dá gcumais, agus tairbhí dearfacha sláinte agus sóisialta na gníomhaíochta sin ar fáil acu.”

Próiseas comhoibríoch ba ea forbairt an phlean straitéisigh seo lena n-áirítear comhairliúchán fairsing le clubanna spóirt, oibrithe deonacha/cóitseálaithe, gníomhaireachtaí reachtúla, grúpaí míchumais, grúpaí mionlaigh eitneacha, scoileanna agus an pobal. Ina chroílár, cuimsíodh sa phlean straitéiseach seo fís faoi stiúir an phobail maidir le rannpháirtíocht sa spórt agus sa ghníomhaíocht bunaithe ar leas a bhaint as an rath roimhe seo agus creat nua a ghlacadh chun rannpháirtíocht sa spórt agus sa ghníomhaíocht coirp a mhéadú ar fud Dhún Laoghaire-Ráth an Dúin.

Pléitear feidhmíocht na straitéise seo, chomh maith le “Space to Play”, sa chéad roinn eile den phlean ina bpléitear na leibhéil rannpháirtíochta reatha.



“Beartas Imeartha Chomhairle Contae Dhún Laoghaire-Ráth an Dúin 2023-2028”

Fís beartais: “Beidh imirt agus fóillíocht ina n-eispéireas laethúil cuimsitheach, a rachaidh chun tairbhe do chách i gContae Dhún Laoghaire-Ráth an Dúin.”

Tá forluí nádúrtha idir an spórt agus an ghníomhaíocht coirp agus imirt.

Sa Bheartas Imeartha, leagtar amach tosaíochtaí straitéiseacha don Chontae maidir leis an líon daoine a bhíonn ag imirt lasmuigh a mhéadú ar bhealach cuimsitheach, comhoibritheach agus inbhuanaithe.

I bhfianaise na conaire nádúrtha idir a bheith páirteach in imirt agus dul ar aghaidh go dtí tuilleadh spóirt agus gníomhaíocht coirp, ní mór go gcuimseofar na tosaíochtaí sin in aon phleananna sa réimse sin freisin.



Moltaí maidir le “Space to Play”.

Rinneadh roinnt príomhthorthaí straitéise agus rinneadh na tuarascálacha seo a leanas maidir le dul chun cinn ó foilsíodh an tuarascáil.

1. Forbairt Áiseanna Hallaí Móra

Aimsiú Straitéise: “Tá ganntanas spáis i hallaí móra ina bhearna i soláthar na n-áiseanna atá faoi úinéireacht na Comhairle agus atá á bhfeidhmiú ag an gComhairle atá le cur ar fáil do chlubanna”.

Gníomh a Rinneadh ina dhiaidh sin: Tá áiseanna hallaí móra á bhforbairt mar chuid d’fhorbairt áiseanna Champas Cathartha San Tomás agus Samuel Beckett. Tá súil ag Comhairle Contae Dhún Laoghaire-Ráth an Dúin go mbeidh áis Tibraden in úsáid faoi 2026 agus meastar go mbeidh an áis eile críochnaithe faoi cheann dhá bhliain nó trí bliana eile.




2. Forbairt Áiseanna Dornálaíochta/Ealaíon Comhraic

Aimsiú Straitéise: “Tá éileamh ann ó go leor spóirt a bhfuil riachtanais choiteanna spáis acu (Dornálaíocht, Ealaíona Comhraic, Júdó, Taekwondo etc.) agus is dócha go dtiocfaidh fás orthu sa bhliain amach romhainn”.

Gníomh a Rinneadh ina dhiaidh sin: Tá dlr ag forbairt áis chomhraic nua i mBaile an Mhanaigh a chuirfidh spás ar fáil le haghaidh roinnt fáinní dornálaíochta, atá le críochnú faoi dheireadh 2024.

D’fhéadfadh spás a bheith ar fáil in Áis Phobail Bhaile an Chnoic mar thoradh ar fhorbairt na háise comhraic nua seo, agus d’fhéadfadh clubanna eile a bheith in ann é a úsáid.



3. Forbairt Comhpháirtíochtaí Scoile

Aimsiú Straitéise: “Moltar iniúchadh a dhéanamh ar sholáthar dromchlaí uile-aimsire tuilsoilsihte amach anseo i gcomhpháirtíocht le scoileanna, clubanna a bhfuil rochtain acu ar thalamh nach leis an Chomhairle í”.

Gníomh a Rinneadh ina dhiaidh sin: Cuireadh roinnt comhpháirtíochtaí scoile i bhfeidhm go rathúil ó shin i leith i gColáiste Eoin agus Coláiste Íosagáin, Coláiste Fhearann an Choirce, Scoil Benildus agus Scoil Rosemont agus tá an cúigiú comhpháirtíocht beartaithe do Choláiste Shruthán na Coille.



4. Forbairt Áiseanna do Champais

Aimsiú Straitéise: “Caithfidh comhoibriú agus úsáid roinnte a bheith ina gcuid lárnach d’fhorbairt áiseanna spóirt ar scála níos mó amach anseo. Is é sin an gnáthrud ar fud na hEorpa agus baineadh úsáid éifeachtach as ar bhonn áitiúil ar fud na hÉireann freisin”.

Gníomh a Rinneadh ina dhiaidh sin: Is samplaí oibre den mhéid thuas iad forbairtí áiseanna San Tomás agus Pháirc Beckett. Ceacht tábhachtach is ea rannpháirtíocht dlr sa phróiseas pleanála ó thús go deireadh chun an tairbhe a bhaineann le húsáid il-áiseanna a uasmhéadú.



5. Forbairt Córais Áirithinte Ar Líne

Aimsiú Straitéise: “Moltar go dtabharfaí isteach córas áirithinte ar líne do pháirceanna agus áiseanna.” Is éard a bhí beartaithe leis sin monatóireacht a dhéanamh ar úsáid na bpáirceanna agus cuidiú a thabhairt leis an úsáid sin a choinneáil ar bun agus a bharrfheabhsú.

Gníomh a Rinneadh ina dhiaidh sin: Tá an córas áirithinte ar líne atá beartaithe tagtha chun cinn go córas bainistíochta áiseanna níos leithne. I ndiaidh próiseas tairisceana, forbraíodh córas nua agus tá oiliúint ar an ardán nua faoi lán seoil le clubanna. Leis an gcóras nua, déanfar éascaíocht ar chumarsáid níos fusa le clubanna, rud a fhágann go mbeidh sé níos éasca páirceanna imeartha a chur i gcúrsaíocht athuair. Is féidir le clubanna úsáid a bhaint as na bogearraí freisin chun oiliúint agus feidhmchláir eile a sceidealú, rud a shábhálann airgead atá á íoc le hardáin eile faoi láthair acu ar deireadh. Is féidir an t-ardán a shíneadh thar pháirceanna chuig cúirteanna leadóige, tuilsoilse, clubthithe, seomraí feistis, leithris, etc. Chomh maith leis an méid thuas, tá roinnt páirceanna féir á n-uasghrádú ar aon dul leis na moltaí ón straitéis “Space to Play” ionas go mbeifear ábalta úsáid níos rialta a bhaint astu e.g. páirc CLG i bPáirc Chill Bheagóige.




“Space To Play”

Tá gach ceann de na cúig phríomh-mholadh a rinneadh in “Space to Play” bainte amach nó tá siad ag druidim leis na céimeanna deiridh dá gcur i gcrích.

Ní mór a lua freisin an ról tábhachtach a bhí ag an straitéis maidir leis na hidirghníomhaíochtaí idir páirtithe leasmhara lena mbaineann agus foireann na Comhairle a struchtúrú, rud a éascaíonn dul chun cinn níos mó a dhéanamh ar fhorbairt áiseanna.¹⁷

Féachfar leis an bplean seo leis na hidirghníomhaíochtaí sin a struchtúrú tuilleadh thart ar na háiteanna ina mbímid páirteach sa spórt agus sa ghníomhaíocht coirp, agus lena chinntiú go bhfuil acmhainní sásúla i bhfeidhm chun tacú le cur chun feidhme na moltaí agus na gcuspóirí a phléitear níos déanaí sa doiciméad.

Pleananna Straitéiseacha/Doiciméid Beartais Ábhartha Eile



Fís: “Go mbeidh sé de dheis ag gach uile dhuine i nDún Laoghaire-Ráth an Dúin a bheith gníomhach go fisiceach, trí rochtain a bheith acu ar ghníomhaíochtaí agus ar áiseanna a rachaidh chun leasa dóibh, dá riachtanais agus dá gcumais, agus tairbhí dearfacha sláinte agus sóisialta na gníomhaíochta sin ar fáil acu.”



Plean Forbartha forleathan a chuimsíonn cuspóirí beartais amhail “Áiseanna Spóirt agus Fóillíochta”, “Tailte/Áiseanna Spóirt a Chosaint”, “Spóirt Uisce”, “Siúl agus Rothaíocht”, “Sláinte Phoiblí” agus “Spás Oscailte agus Comhfhorbairt Áite Shláintiúil”. Tá an doiciméad seo ag teacht le cuspóirí an Phlean Forbartha 8.5.1, 8.6.2 agus 12.7.2.



Misean “Beidh dlr ina áit bhríomhar ina n-éireoidh go maith le daoine agus ina gcomhlíonfaidh siad a gcumas ina bpobail agus ina gcomharsanachtaí áitiúla ar feadh a saoil.”



Gníomh: Tugtar tús áite sa Phlean Spóirt Áitiúil do “rannpháirtíocht a mhéadú ar bhonn áitiúil”, ar bhealach atá “ag teacht le fíis agus cuspóirí foriomlána an Bheartais Náisiúnta Spóirt seo”.



Sprioc Chorporáideach 4:

“Deiseanna ardchaighdeán pobail, fóillíochta, spóirt agus cultúrtha a sholáthar do gach duine a chónaíonn agus a oibríonn sa Chontae agus a thugann cuairt air.”

I measc na ndoiciméad eile a athbhreithníodh tá:

- Straitéis Comhpháirtíochta Shléibhte Bhaile Átha Cliath 2022-2026
- Creat Éire Shláintiúil 2019-2025
- Comhairle Contae Shláintiúil Dhún Laoghaire-Ráth an Dúin 2019-2022
- Plean Náisiúnta um Gníomhaíocht Coirp d’Éirinn
- Plean Gníomhaíochta Sláintecare 2023
- Ráiteas Straitéise Spóirt Éireann 2018-2022
- Plean Gníomhaíochta Domhanda don Gníomhaíocht Coirp 2018-2030


iii) Leibhéil Reatha Rannpháirtíochta

Is suirbhé mór daonra é Monatóireacht Spóirt Éireann 2023 arna dhéanamh ag Spóirt Éireann ar rannpháirtíocht sa spórt agus sa ghníomhaíocht coirp in Éirinn ag daoine atá 16 bliana d'aois agus níos sine. As na 8,512 freagróir a chomhlíon suirbhé 2023, ba as Dún Laoghaire-Ráth an Dúin 391 acu. Tuairiscítear an staidreamh seo a leanas ó anailís thánaisteach ar na freagraí a thug an sampla seo de 391. Tá achoimre ar phróifíl neamhualaithe inscne agus aoise den sampla ar fáil san aguisín mar eolas.

Léirítear leis na torthaí in 2023, go raibh Dún Laoghaire-Ráth an Dúin ar cheann de na contaetha is gníomhaí in Éirinn in 2023.

Déanaimid comparáid anseo idir sonraí Dhún Laoghaire-Ráth an Dúin agus an léargas náisiúnta maidir le rannpháirtíocht ghníomhach agus shóisialta sa spórt chomh maith le gníomhaíocht coirp níos leithne.

1. RANPHÁIRTÍOCHT GHNÍOMHACH SA SPÓRT (MONATÓIREACHT SPÓRT ÉIREANN 2023)



Glac 58% de na freagróirí ar shuirbhé Dhún Laoghaire-Ráth an Dúin páirt sa spórt sna seacht lá roimhe sin, figiúr atá i bhfad níos airde ná an meán náisiúnta de 47%.

De réir an léargais náisiúnta, is mó an seans go nglacfaidh fir (63%) páirt i spórt ná mná (53%) sa Chontae. Is iad na rátaí náisiúnta comhfhreagracha i measc fear (49%) agus i measc ban (46%). Cé go bhfuil rátaí rannpháirtíochta na mban níos airde ná an meán náisiúnta, tá an difríocht idir rátaí rannpháirtíochta na bhfear agus na mban i nDún Laoghaire-Ráth an Dúin (10 pp) níos airde ná an meán náisiúnta (3 pp).



Is mó seans go nglacfaidh aoisghrúpaí níos óige páirt i spóirt agus aclaíocht i nDún Laoghaire-Ráth an Dúin

80% díobh siúd idir 16-24 bliain d'aois i gcomparáid le 38% díobh siúd atá 65 bliain d'aois nó níos sine.



Is lú an seans go nglacfaidh daoine a bhfuil tinneas fadtéarmach orthu nó atá faoi mhíchumas (53%) páirt i spórt agus aclaíocht sa Chontae

i gcomparáid le daoine nach bhfuil tinneas orthu nó nach bhfuil faoi mhíchumas (60%).

A SPÓIRT AGUS NA GNÍOMHAÍOCHTAÍ COIRP IS MÓ TÓIR I NDÚN LAOGHAIRE-RATH DÚN



25%

HALLAÍ ACLÁÍOCHTA/
CLUBANNA ACLÁÍOCHTA



11%

REATHAÍOCHT



10%

SNÁMH



8%

ROTHAÍOCHT



5%

TÓGÁIL
MEÁCHAN



5%
GALF



5%
YÓGA



3%
PILATES



3%
SACAR




2%
RUGBAÍ




1%
PEIL GHAELACH


2. RANPHÁIRTÍOCHT SHÓISIALTA SA SPÓRT (MONATÓIREACHT SPÓRT ÉIREANN 2023)



Baineann **46%** de na freagróirí i nDún Laoghaire-Ráth an Dúin le club



BA Í AN BHALLRAÍOCHT CLUBANNA BA MHÓ TÓIR...




D'oibrigh **10%** de na freagróirí i nDún Laoghaire-Ráth an Dúin go deonach sa spórt le seacht lá roimhe sin, beagáinín faoi bhun an mheáin náisiúnta (11%), agus níos mó fear (12%) ná ban (9%) ag obair go deonach.

Is iad na spóirt is mó tóir le hobair dheonach a dhéanamh iontu CLG (4%), sacar (2%), galf (1%), haca (1%), agus rugbaí (1%).




D'fhreastail **18%** de na freagróirí i nDún Laoghaire-Ráth an Dúin ar imeacht spóirt le seacht lá roimhe sin, arís, beagáinín faoi bhun an mheáin náisiúnta (20%). D'fhreastail níos mó fear (21%) ná ban (14%) ar imeachtaí spóirt. Tá baint ag freastal ar imeachtaí spóirt le spórt páistí, agus tá sé trí oiread níos dóchúla go bhfreastalóidh tuismitheoirí (36%) ar imeachtaí spóirt ná daoine

IS IAD SEO A LEANAS NA HIMEACHTAÍ SPÓIRT IS MÓ TÓIR LE FREASTAL ORTHU ...



3. GNÍOMHAÍOCHT COIRP NÍOS LEITHNE (MONATÓIREACHT SPÓRT ÉIREANN 2023)



Tá thart ar leath de fhreagróirí an tsuirbhé i nDún Laoghaire-Ráth an Dúin an-ghníomhach ag 49%. Tá sé sin i gcomparáid le 39% den daonra náisiúnta.

Is díol suntais é freisin an céatadán íseal d'iompar neamhghníomhach (7%) agus suiteach (12%) i nDún Laoghaire-Ráth an Dúin i gcomparáid leis na meáin náisiúnta (Neamhghníomhach: 12%; Suiteach: 19%), mar gheall ar na rátaí siúil mar chaitheamh aimsire an-ard sa Chontae go príomha.

Shiúil beagnach ochtar as gach deichniúr (78%) freagróirí **ar mhaithe le caitheamh aimsire sna seacht lá roimhe sin** i gcomparáid leis an meán náisiúnta (69%), agus mná (80%) ag siúl beagáinín níos mó ná fir (75%).



Thuairiscigh daoine faoi mhíchumas nó a bhfuil tinneas fadtéarmach orthu **rátaí cosúla siúil mar chaitheamh aimsire** (82%), i gcomparáid leis an meán náisiúnta de 62%.

Siúlann leath de na freagróirí le haghaidh iompair freisin (52%) agus téann duine amháin as seachtar (15%) ar an rothar le haghaidh iompair, agus tá sé dhá oiread níos dóchúla go rachaidh fir (19%) ná mná (10%) ar an rothar le haghaidh iompair.



4. CLÁR COMHPHÁIRTÍOCHTA SPÓIRT DHÚN LAOGHAIRE-RÁTH AN DÚIN / LEIBHÉIL GHNÍOMHAÍOCHTA (COMHPHÁIRTÍOCHT SPÓIRT DLR)

Is féidir linn freisin úsáid a bhaint as leibhéal na gcúrsaí traenála, na gceardlann agus na gclár gníomhaíochta coirp spriocdhírithe a sholáthraíonn Comhpháirtíocht Spóirt dlr laistigh den Chontae thar thréimhse fhada ama mar shlat tomhais don leibhéal spóirt agus gníomhaíochta coirp laistigh den cheantar.

Gníomhaíocht	2013 - 2017	2018 - 2022
Rannpháirtíocht Cláir agus Imeachtaí	20,000+ rannpháirtí	60,000 rannpháirtí
Oiliúint agus Forbairt (Cóiste/Oibrí Deonach)	4,300 oibrí deonach	4,260 oibrí
Spórt do Dhaoine faoi Mhíchumais	1,600+ rannpháirtí	3,700+ rannpháirtí
Spóirt Baile Uí Ógáin & Mol Gníomhaíochta Coirp	Neamhbhainteach	3,800+ rannpháirtí

Foinse: Straitéis Rannpháirtíochta Spóirt Chontae Dhún Laoghaire-Ráth an Dúin 2018 – 2022 agus Athbhreithniú Straitéiseach 2018 – 2022 ar Chomhpháirtíocht Spóirt Dhún Laoghaire-Ráth an Dúin.

Ba cheart a thabhairt faoi deara gur toradh measartha dearfach é líon gan athrú maidir leis na hoibrithe deonacha thar an tréimhse sin toisc go raibh drochthionchar suntasach ag an bpaindéim ar an leibhéal oibrithe deonacha ar fud na tíre. Is é an ráta deonach náisiúnta foriomlán do 2023 de 11% i gcomparáid leis na leibhéil roimh an bpaindéim de 12% in 2019. Finse: Monatóireacht Spóirt Éireann 2023

Mar sin féin, tugadh chun suntais in Athbhreithniú Straitéiseach Chomhpháirtíocht Spóirt Dhún Laoghaire-Ráth an Dúin 2018 – 2022 na réimsí nach ndearnadh dul chun cinn sásúil iontu maidir leis na gníomhaíochtaí a leagadh amach sa phlean straitéiseach. Áiríodh leo sin “tionscnaimh a dhírigh ar mhionlaigh eitneacha, freastal ar an leibhéal riachtanais laistigh de dhaonra na ndaoine scothaosta agus tacaíochtaí inbhuanaithe do dhaoine faoi mhíchumas, go háirithe i ndáil le speictream an uathachais.

Áiríodh ar roinnt tosca rannchuidithe a luadh “teorainneacha ar acmhainní foirne agus airgeadais, neamhábaltacht na spriocghrúpaí sin a bhaint amach agus leibhéal riachtanais/éilimh i réimsí eile a raibh tacaíochtaí ag teastáil uathu chomh maith céanna.”

Mar thoradh air sin, tá na cohóirt sin fós ina n-ábhar imní maidir le forbairt an Phlean Áitiúil Spóirt agus Gníomhaíochta Coirp seo.

Cathracha Gníomhacha

Tá tionscadal Cathracha Gníomhacha Spóirt Éireann (arna mhaoiniú trí Chuntais Dhíomhaoinne) á sholáthar sna cúig chathair is mó in Éirinn – Baile Átha Cliath, Luimneach, Port Láirge, Corcaigh agus Gaillimh. Is é an cuspóir an líon saoránach, beag beann ar aois ná cumas, a ghlacann páirt sa spórt agus sa ghníomhaíocht coirp ina gcathair a chruthú, a choinneáil ar bun agus a mhéadú. Tá Dún Laoghaire-Ráth an Dúin ag obair go dlúth lena chomhpháirtithe in údarás áitiúil Bhaile Átha Cliath chun oibriú i dtreo stádas Cathracha Gníomhacha Domhanda a bhaint amach faoi cheann cúpla bliain.

Tá an tionscadal bunaithe ar Phlean Gníomhaíochta Domhanda na hEagraíochta Domhanda Sláinte maidir leis an nGníomhaíocht Coirp (GAPPA), a dhíríonn ar ghníomhaíocht coirp a mhéadú i measc na ndaoine is neamhghníomhaí sa tsochaí. Ní hiad na daoine atá ag obair sa spórt agus sa ghníomhaíocht coirp amháin atá freagrach as aghaidh a thabhairt air sin. Is é bun agus barr an scéil maidir le Cathracha Gníomhacha Baile Átha Cliath na páirtithe leasmhara, a bhfuil tionchar díreach agus indíreach acu ar an ngníomhaíocht coirp, agus le chéile spreagann siad athrú trí chomhoibriú, trí chomhpháirtíocht agus trí phleanáil.

Agus aidhmeanna uailmhianacha acu a bheith i measc na n-áiteanna is sláintiúla agus is gníomhaí ó thaobh gníomhaíocht coirp de ar domhan, tá sé ríthábhachtach go nglacfar cur chuige il-earnála chun é sin a bhaint amach i nDún Laoghaire-Ráth an Dúin, ar fud Bhaile Átha Cliath agus ar fud na tíre.

Tá ról lárnach ag go leor páirtithe leasmhara maidir le rath Chathracha Gníomhacha Bhaile Átha Cliath agus maidir le tús áite a thabhairt do ghníomhaíocht coirp do CHÁCH, rud a léirítear sna ceithre cholún teorach; Córais Gníomhacha, Timpeallachtaí Gníomhacha, Sochaithe Gníomhacha agus Daoine Gníomhacha.



Plean Áitiúil Spóirt & Gníomhaíochta Coirp – Forbairt Áiseanna Nua dlr

Leis na leibhéil an-ard rannpháirtíochta in dlr agus an easpa talamh poiblí atá oiriúnach nó atá ar fáil, ní mór do dlr a bheith nuálach lena chinntiú go mbeidh áiseanna ar fáil do na pobail agus na clubanna áitiúla. Tá méadú tagtha ar fhorbairt áiseanna spóirt le blianta beaga anuas chun leas a bhaint as an maoiniú atá ar fáil ón rialtas láir agus chun iarracht a dhéanamh coinneáil suas leis an éileamh ó chlubanna agus ó phobail.

Tháinig go leor de na háiseanna agus na nuálaíochtaí sin chun cinn ón straitéis áiseanna spóirt roimhe seo, “Space to Play” agus tá tuilleadh ag teastáil anois lena chinntiú gur féidir linn tacú le saoránaigh dlr agus iad a spreagadh le bheith gníomhach. Tá go leor de na háiseanna a soláthraíodh le déanaí ar fáil saor in aisce freisin don phobal nuair nach n-úsáideann na clubanna iad go foirmiúil. Bíonn na háiseanna atá á bhforbairt an-chuimsitheach agus inrochtana do chách de ghnáth.



Comhpháirtíocht agus Comhroinnt:

Beidh sé riachtanach i gcónaí áiseanna a roinnt idir clubanna agus cineálacha éagsúla spóirt. Tá go leor samplaí ar fud an Chontae anois i gcás ina bhfuil clubanna spóirt ag roinnt páirceanna, ag athrú pailliún, etc.

Díreofar ar chur chuige comhpháirtíochta le clubanna, scoileanna agus seirbhísí fóillíochta dlr amach anseo agus déanfar iniúchadh ar dheiseanna comhpháirtíochta eile freisin. Tá dlr ag forbairt áiseanna ardchaighdeán spóirt lena n-úsáid a uasmhéadú agus tá comhroinnt mar phríomhghné maidir leis sin.

Maidir le forbairt áiseanna uile-aimsire, leanfaidh an Chomhairle ag obair le scoileanna chun láithreacha oiriúnacha a shainaithint agus féidearthacht láithreacha eile a fhiosrú, faoi réir anailís riachtanas. Déanfaidh an Chomhairle na háiseanna sin a fhorbairt agus a bhainistiú chun rochtain an phobail a chinntiú.



Cineál Áise:


Leis na costais tógála atá ag méadú maidir le forbairt áiseanna spóirt, ní mór na sócmhainní sin a bhainistiú ar bhealach dian chun a n-úsáid a uasmhéadú. Chomh maith leis sin, ní mór na háiseanna a dhearadh ionas go mbeidh leibhéal ard solúbthachta ag baint leo chun go n-éascóidh siad na húsáidí éagsúla agus go mbeidh siad ábalta an aimsir a sheasamh le haghaidh gníomhaíochtaí eile. Ní mór iad a dhearadh chomh maith chun gur féidir iad a bhainistiú ar bhealach éifeachtach ionas go mbeidh siad in ann feidhmiú as a stuaime féin. Tá fócas nua á chur ar an spórt agus an ghníomhaíocht coirp neamhfhoirmiúil le déanaí agus soláthar criosanna aclaíochta feidhmiúla (callaistéinic), ballaí scileanna, limistéar cluichí ilúsáide, cúirteanna/limistéir bheaga cispheile, páirceanna scátála, rianta caidéil, etc á soláthar ar fud an Chontae.



Beartais & Pleananna:

Tá soláthar na n-áiseanna spóirt in dlr fréamhaithe i mbeartas, i suirbhéanna agus i bpleananna. Tá máistirphleananna i bhfeidhm do go leor dár bpáirceanna réigiúnacha agus tá áiseanna á bhforbairt de réir a chéile. Seachnaítear leis sin cur chuige ilroinnte i gcás inar féidir botúin a dhéanamh ar chostas suntasach.

Tugtar tús áite do chomhtháthú na n-áiseanna spóirt isteach inár bpáirceanna agus inár spásanna oscailte agus is minic a sholáthraítear plandú crann, forbairt móinéar agus bearta eile a bhaineann leis an mbithéagsúlacht leis na háiseanna. Tá tabhairt isteach suíochán breise, umar uisce in-athlánta, limistéar imeartha, amhairc etc ina gné thábhachtach de sholáthar an tionscadail.



Is gnách go soláthraítear dearadh, soláthar agus tógáil na n-áiseanna poiblí spóirt laistigh d'fhoireann na dtionscadal caipitil Páirceanna. Tá pleananna á gcur i bhfeidhm ag an bhfoireann maidir le soláthar poiblí agus bealaí eile chun dlús a chur le soláthar áiseanna oiriúnacha spóirt. Tá an fhoireann teoranta ó thaobh acmhainní daonna de agus ní mór acmhainní cuí a sholáthar dóibh lena chinntiú go gcuirfear áiseanna ar fáil chun fíis an phlean seo a chomhlíonadh.

Leibhéil Reatha Rannpháirtíochta – Conclúid

Maidir le rannpháirtíocht, tá an líon daoine thar a bheith dearfach, cé go bhfuil réimsí sonracha ann nach mór a fheabhsú.

Mar sin féin, níl an scéal iomlán ar fáil ón líon rannpháirtíochta.

Chun staid an spóirt agus na gníomhaíochta coirp a mheas i gceart, chuathas i mbun próiseas leathan comhairliúcháin.



iv) Comhairliúchán

Bhain an próiseas comhairliúcháin le cruinnithe le grúpaí sainleasa, clubanna spóirt, comhairleoirí, cruinniú poiblí i Halla an Bhaile agus suirbhé poiblí ar líne.

Rinneadh gach ceann acu chun dearcthaí agus tuairimí na n-oibrithe deonacha, na mball foirne, na bpobal agus na rannpháirtithe a bhailiú, agus gach duine acu sin ríthábhachtach do sholáthar agus rath spóirt agus gníomhaíochta coirp i nDún Laoghaire-Ráth an Dúin.

Páirtithe leasmhara inmheánacha

- Bord agus baill foirne Chomhpháirtíochta Spóirt dlr
- Baill foirne Chomhairle dlr thar raon réimsí lena n-áirítear Taisteal Gníomhach, Pobal, Leabharlanna, Páirceanna agus Forbairt Spóirt
- Coiste Beartais Straitéisigh Pobail, Cultúir & Folláine dlr
- Cruinniú Chomhairle Limistéar Dhún Laoghaire
- Cruinniú Chomhairle Limistéar Dhún Droma
- Cruinniú Speisialta Ghrúpa na gComhairleoirí



Páirtithe leasmhara seachtracha



Spórt Éireann

Cruinniú a eagrú le Spórt Éireann chun bealaí a dhéanamh amach inar féidir leis an údarás áitiúil leas a bhaint as forbairt “Bunachar Sonraí Get Ireland Active”.

Grúpaí Sainleasa



Mná agus Cailíní sa Spórt

An rud is suntasaí atá le foghlaim - “Ná déan aon rud a bhaineann linn mura bhfuil baint againn leis.”



Míchumais

An rud is suntasaí atá le foghlaim - “Iad siúd atá faoi mhíchumas a chomhtháthú sa spórt agus i gclubanna príomhshrutha.”



Daoine Óga faoi Mhíbhuntáiste

An rud is suntasaí atá le foghlaim - “Spás a chruthú le bheith óg, agus iompar a sholáthar chun go mbeidh daoine ábalta dul ann.”



Daoine Scothaosta

An rud is suntasaí atá le foghlaim - “Spóirt oiriúnaithe lena dtugtar deis do dhaoine dul i mbun ghníomhaíocht shóisialta athuair.”



Mionlaigh Eitneacha

An rud is suntasaí atá le foghlaim - “Oideachas le haghaidh cur chuige níos fáiltí ó chlubanna príomhshrutha.”



Pobal an Lucht Siúil

An rud is suntasaí atá le foghlaim - “Oibriú laistigh de chultúr an lucht siúil, seachas baint de.”



Cruinniú Poiblí i Halla an Bhaile:

Ghlac breis agus 100 ionadaí ó níos mó ná 30 spórt éagsúil páirt i bplé tosaigh ar na príomhthosaíochtaí atá le forbairt laistigh den phlean seo, rud a raibh plé níos fairsinge sna grúpaí fócais ina dhiaidh sin mar thoradh air.



Suirbhé Poiblí Ar Líne:

Iarradh ar shaoránaigh Dhún Laoghaire-Ráth an Dúin a dtuairimí a nochtadh trí shuirbhé ar líne a rinne Core Research agus a óstáladh ar ardáin/cainéil faoi úinéireacht na Comhairle agus cuireadh leagan i gcóip chlóite ar fáil chomh maith. Mheall an suirbhé 748 freagróir agus tá na príomhthorthaí leagtha amach níos déanaí sa roinn seo.



Grúpaí Fócais Spórt Áitiúil:

Tháinig ionadaithe ó chlubanna spóirt áitiúil le chéile chun tuairimí a roinnt ar a n-eispéiris, agus thug siad deiseanna agus dúshlán ionchasacha chun suntais. Bhí na grúpaí seo comhdhéanta de na spóirt seo a leanas:

- **Spórt faoi dhíon** - Gleacaíocht, Eitpheil, Badmantan agus Babhláil Deich bPionnaí
- **Spórt uisce** - Seoltóireacht, Rámhaíocht, Cadhcáil, Snámh agus Gaothshurfáil
- **Spórt aonair** - Rith, Rothaíocht, Leadóg agus Trí-atlan
- **Spórt Páirce** - Cluichí Gaelacha, Peil, Rugbaí agus Haca



Léargas Comhairliúcháin ó Phríomhpháirtithe Leasmhara Grúpaí

I ndiaidh an phróisis comhairliúcháin sin, tháinig moltaí chun cinn faoi roinnt príomhréimsí chun tógáil ar an mbunús atá suntasach cheana féin maidir le rannpháirtíocht sa spórt agus sa ghníomhaíocht coirp sa Chontae:

1. Cuimsiú

Bhí inrochtaineacht ar an spórt agus ar an ngníomhaíocht coirp, ní hamháin ó thaobh an iompair de, ach ó thaobh spórt do chách de freisin, ina príomhphointe aiseolais ó na comhairliúcháin i bpearsa agus ar líne.

Sainaithníodh ceithre phríomhréimse chun fócas a chur orthu/lena bhfeabhsú:

AOIS

- Titim ar rannpháirtíocht ón mbunscoil go dtí an mheánscoil, go háirithe le cailíní sna déaga, chomh maith le daoine fásta níos sine.
- Tá saincheisteanna iompair ina bpríomhbhac ar pháistí a bheith páirteach i ngníomhaíochtaí i ndiaidh am scoile.
- Teastaíonn cláir inbhuanaithe ó dhaoine fásta níos sine. Ba cheart imeachtaí spóirt oiriúnaithe a spreagadh agus a chur in iúl i gceart do pháirtithe/daoine aonair leasmhara.



INSCNE

- Díriú ar an mbearna rannpháirtíochta idir fir agus mná a laghdú.
- Mná a áireamh sa phróiseas cinnteoireachta maidir le planáil spóirt agus gníomhaíochta coirp agus ceapadh beartas.
- Tá sábháilteacht agus rochtain ina bpríomhábhair imní.



MÍCHUMAS

- Fócas ar thús áite a thabhairt d'inrochtaineacht agus comhoibriú a chothú.
- Iarrachtaí na ndaoine a oibríonn laistigh de chlubanna agus spóirt aonair a chomhordú e.g. cóitseálaithe, tuismitheoirí, soláthraithe áiseanna, nó grúpaí sainleasa.



EITNEACHT

- Pobail nua agus an Lucht Siúil araon a chlúdach.
- Tá gá le comhtháthú níos fearr a spreagadh trí dheiseanna a chur ar fáil do 'phobail nua' le bheith mar chuid dá bpobal nua.
- Spásanna sábháilte a chruthú dóibh siúd i bpobal an Lucht Siúil le bheith páirteach agus ceannairí laistigh den phobal seo a chumasú chun muinín a chothú.



Moladh seisiúin faoi stiúir piaraí i spás oscailte, inrochtana mar bhealach cuimsitheach chun rannpháirtíocht roinnt grúpaí a spreagadh.

Cuireadh béim ar na tairbhí sláinte a bhaineann le spórt agus gníomhaíocht coirp mar bhealach maith chun spreagadh a thabhairt do dhaoine nach raibh rannpháirteach cheana féin déanamh amhlaidh.



2. Cumarsáid



Tá leibhéil feasachta maidir le tionscnaimh na Comhpháirtíochta Áitiúla Spóirt agus na Comhairle go maith, ach titeann an figiúr sin nuair a chuirtear san áireamh na daoine a bhfuil a fhios acu go díreach cad a dhéanann an Chomhpháirtíocht Spóirt Áitiúil agus an Chomhairle.

Cuireadh in iúl go raibh mian ann le haghaidh comhoibriú níos fearr le clubanna, eagraíochtaí, coistí náisiúnta rialaithe, oibrithe deonacha agus rannpháirtithe le linn gach seisiúin grúpaí fócas agus gach seisiúin comhairliúcháin páirtithe leasmhara a tionóladh.

Tá fadhb ag baint le soláthar acmhainní, rud a chuireann le pointí teannais. Tá ról sonrach cumarsáide á fhostú ag an gComhpháirtíocht Áitiúil Spóirt cheana féin, ach ní mór don Chomhairle an dea-shampla sin a leanúint. Rinne roinnt páirtithe leasmhara moltaí maidir le conas is féidir é sin a fheabhsú trí leithdháileadh níos mó acmhainní daonna sa phlean.

3. Oibrithe Deonacha/Cóitseáil



Tá sárobair á déanamh faoi láthair ag na hoibrithe deonacha chun spórt agus gníomhaíocht coirp a fhorbairt agus a chothú sa cheantar.

Tá uasoiliúint lena chinntiú go bhfuil siad ábalta déileáil le grúpaí nua agus grúpaí ag a bhfuil riachtanais shonracha ina príomhábhar imní.

Is gá an caidreamh idir oibrithe deonacha na gclubanna agus na Comhairle a chur ar bhonn foirmiúil chun éifeachtúlachtaí agus cuntasacht a éascú.

4. Taitneamhachtaí



Úsáid níos éifeachtaí a bhaint as na taitneamhachtaí atá ann cheana agus infhaighteacht ó cheann ceann na bliana a chinntiú.

Soláthar saoráidí leithris agus gléasta páistí, inrochtaineacht cheart do dhaoine faoi mhíchumas agus áiseanna stórála riachtanacha do threalamh spóirt.

Tá gá le marcálacha ilspóirt chun an úsáid is éifeachtaí as spás a chinntiú.

Feabhas a chur ar thaitneamhachtaí poiblí atá ann amhail páirceanna, cosáin, agus bealaí rothaíochta taistil ghníomhaigh chun gur féidir le daoine aonair agus grúpa leanúint lena n-úsáid – tá sábháilteacht agus soilsiú ina bpríomhábhair imní.


Áiseanna snámha feabhsaithe.

Rochtain níos fearr ar shleamhnáin chun úsáid níos fearr as an gcósta a éascú.

Suirbhé ar líne

Rinne Core Research suirbhé taighde ar líne trí ardáin/cainéil faoi úinéireacht Chomhairle Contae Dhún Laoghaire-Ráth an Dúin agus cuireadh leagan páipéir den cheistneoir ar fáil freisin. Mar thoradh air sin, tá an sampla féinroghnaithe agus níl sé ionadaíoch go hiomlán do dhaonra Dhún Laoghaire-Ráth an Dúin. Cuireadh na leibhéil freagartha ar fiar go grád sóisialta AB agus ina dtreo siúd idir 45 agus 54 bliain d'aois.

Mar sin féin, is féidir na cohóirt aonair a scrúdú fós le haghaidh léargas, agus comhlánaíonn an anailís na torthaí ó chomhairliúcháin na bpáirtithe leasmhara agus na ngrúpaí fócais. Is iad na gníomhaíochtaí is mó tóir i nDún Laoghaire-Ráth an Dúin:



Tá tacaíocht láidir áitiúil ann do thionscnaimh agus do thacaíochtaí breise ón gComhairle agus ón gComhpháirtíocht Áitiúil Spóirt don spórt agus don ghníomhaíocht coirp. Tá na leibhéil féintuairiscithe sláinte agus gníomhaíochta ard, rud a thagann leis na torthaí ó Thuarascáil Bhliantúil um Monatóireacht Spóirt Éireann 2023.


Is é an suíomh is coitianta maidir le rannpháirtíocht sa spórt agus sa ghníomhaíocht coirp bonneagar bunúsach amhail páirceanna poiblí agus bóithre/cosáin, rud a léiríonn an tábhacht a bhaineann le cáilíocht agus sábháilteacht an bhonneagair sin a fheabhsú. Leagadh béim ar inrochtaineacht iompair phoiblí mar an réimse is mó lena fheabhsú maidir le taitneamhachtaí, agus mhaígh freagróir amháin as gach ceathrar go raibh sé sin ina bhac ar rannpháirtíocht. Tuairiscíodh tacaíocht leathan phoiblí d'inrochtaineacht ar thaitneamhachtaí do chách, agus gur cheart go mbeadh aon taitneamhachtaí i nDún Laoghaire-Ráth an Dúin feasach maidir leis an réimse éagsúil cumas agus riachtanas.

Cé go n-athraíonn leibhéil feasachta na dtaitneamhachtaí atá ar fáil, tuairiscíonn na daoine atá eolach go bhfuil leibhéil arda rannpháirtíochta ann. Tá deis ann chun leibhéil rannpháirtíochta a mhéadú anseo trí acmhainní a chur in iúl do ghrúpa níos leithne. Is é costas rochtana agus táillí ballraíochta an bac is mó maidir le páirt a ghlacadh sa spórt agus sa ghníomhaíocht coirp i nDún Laoghaire-Ráth an Dúin, agus tá sé sin dulta in olcas mar gheall ar ghéarchéim reatha an chostais maireachtála.


Achoimre ar Thorthaí Taighde (Croíthaighde)



Na príomhghníomhaíochtaí i measc daoine fásta amháin – rannpháirtíocht ghinearálta




An áit a nglacann cónaitheoirí a bhíonn páirteach sa spórt/gníomhaíochtaí coirp páirt ann



Bacainní ar rannpháirtíocht i nDún Laoghaire-Ráth an Dúin



Leibhéil feasachta na Comhpháirtíochta Áitiúil Spóirt (CÁS):



Ráitis focal ar fhocal comhairliúcháin (Sampla)

“Bheadh sé go hiontach do na daoine atá ina gcónaí anseo dá dtabharfaí na gnéithe spóirt go léir le chéile. Cuirtear in iúl dúinn cad atá ar siúl agus tugtar roghanna maidir le conas a bheith gníomhach.”

“Ní raibh a fhios agam cén fáth ar cheart dom teacht ach dúirt mo chara liom gur gníomhaíocht a bhí sa siúl agus go bhféadfainn cosáin agus conairí níos fearr inár bpáirceanna a mholadh”

*“Tá réimse iontach gníomhaíochtaí ar fáil faoi láthair.
Ní leor an t-eolas atá ann fúthu”*

“Tá géarghá le roghanna iontacha snámha sa cheantar.”

“Níos mó gníomhaíochtaí do dhaoine / páistí faoi mhíchumas, lena n-áirítear ASD. Ní gá corruair ach líon níos lú páistí a bheith i ngrúpa agus aird níos mó 1:1 a thabhairt dóibh ó chóitseálaí le go n-éireoidh le páiste ASD.”

“Samhlaigh cailíní a fheiceáil agus iad ag siúl chuig páirc chun peil a imirt”.

“Tá sé contúirteach do mhná a bheith ag rith san oíche, ní hamháin go bhfuil sé míchompordach a bheith ag rith sa dorchadas agus san fhuacht ach mar gheall ar eagla go dtarlódh rud éigin contúirteach tá sé an-deacair údar a thabhairt leis an gcineál sin aclaíochta a dhéanamh.”

Mar a Sheasann Cúrsaí – Conclúid

Sna cúig bliana roimhe seo (agus na blianta roimhe sin), fágadh bonn suntasach le haghaidh tuilleadh feabhsuithe a chur ar sholáthar spóirt agus gníomhaíochta coirp.

Cé gurb é an rud is suntasaí a chuir na páirtithe leasmhara ar fad lena mbaineann in iúl go bhfuil an tasc atá á dhéanamh ina thasc maith ar an iomlán, tá príomhréimsí ann ar gá díriú níos mó orthu sna cúig bliana atá amach romhainn.

Áirítear leis an bplean seo roinnt moltaí agus deiseanna féideartha a d'fhéadfaí a chur chun feidhme chun rannpháirtíocht sa spórt agus sa ghníomhaíocht coirp a fhorbairt tuilleadh sa Chontae, bunaithe ar an taighde agus na comhairliúcháin a pléadh thuas.



Torthaí Foriomlána an Athbhreithnithe

Mar a luaigh Comhpháirtíocht Spóirt dlr, tá gá fós le fócas sonrach ar phríomh-spriocghrúpaí chun rannpháirtíocht a mhéadú ar aon dul leis an daonra i gcoitinne.

Tacaíocht a chinntiú dóibh siúd a bhfuil spórt agus gníomhaíocht coirp á soláthar acu cheana e.g. beidh cóitseálaithe, oibrithe deonacha, baill foirne ríthábhachtach thar shaolré an phlean seo. Tá na daoine aonair sin ríthábhachtach le haghaidh reáchtáil laethúil clár spóirt agus gníomhaíochta coirp, chomh maith leis an iarracht chun cur chuige cuimsitheach spóirt do chách a fhorbairt.


Tá gá leis an spás atá ar fáil a úsáid ar bhealach éifeachtach agus inbhuanaithe chun rannpháirtíocht a mhéadú mar aon leis an bhfás daonra tuartha amach anseo. I bhfianaise shuíomh Dhún Laoghaire-Ráth an Dúin idir na sléibhte agus an fharraige, ní sé indéanta nó leordhóthanach limistéir nua a thógáil agus a fhorbairt le haghaidh rannpháirtíochta.

Tá gá le lárphointe tagartha don spórt agus don ghníomhaíocht coirp chun an bealach a n-oibríonn na páirtithe leasmhara iomadúla leis an gComhairle agus leis an gComhpháirtíochtaí Áitiúla Spóirt a chuíchóiriú. Tá eagraghram samplach ceangailte leis an bplean seo chun achoimre a dhéanamh ar an dóigh a bhféadfadh an plan seo idirghníomhú leis na páirtithe leasmhara éagsúla inmheánacha agus seachtracha. Tá gá le tuilleadh acmhainní foirne freisin, áfach.

Cé go bhfuil obair mhaith á déanamh, tá gá le cumarsáid níos fearr maidir leis an méid a bhainfear amach chun obair na ndaoine a sholáthraíonn cláir spóirt agus gníomhaíochta coirp a cheiliúradh, chomh maith leis an bpobal i gcoitinne a chur ar an eolas faoi na gníomhaíochtaí agus na taitneamhachtaí atá ar fáil dóibh.

I bhfianaise na hoibre a rinneadh roimhe seo, agus an bhunsraith a dtógfar uirthi do na cúig bliana atá amach romhainn, tá roinnt cláir agus bearta molta ann ar féidir le Dún Laoghaire-Ráth an Dúin iad a chur chun feidhme le bheith ar an gcontae atá ar thús cadhnaíochta in Éirinn maidir leis an spórt agus leis an ngníomhaíocht coirp.

Is féidir na torthaí leathana sin a eagrú i gceithre phríomhthéama, a phléitear in éineacht leis na cuspóirí comhfhreagracha sa roinn seo a leanas.





ROINN B
TÉAMAÍ AGUS
CUSPÓIRÍ

i) Daoine - Daonra Níos Gníomhaí a Éascú

Tá go leor cineálacha spóirt ann agus tá an éagsúlacht tábhachtach chun deis a thabhairt do dhaoine teacht ar an gcineál spóirt a oireann dóibh féin.

Tá beagnach 48 comhlacht aitheanta spóirt ag a bhfuil clubanna nó áiseanna i gceantar Dhún Laoghaire-Ráth an Dúin, ach tá sé chomh tábhachtach céanna a bheith aireach orthu siúd nach bhfuil suim acu i gclubanna nó i ngníomhaíochtaí pobail ach ar mian leo fós a bheith gníomhach.

Tugtar chun suntais sa Phlean Náisiúnta um Ghníomhaíocht Coirp gur chóir do dhaoine fásta de gach aois agus do dhaoine faoi mhíchumas 30 nóiméad ar a laghad de ghníomhaíocht coirp a dhéanamh gach lá. I gcás roinnt daoine a shamhlaítear leis an bpróifíl 'spórtúil' tuigtear agus déantar é sin, ach i gcás go leor eile tá cuidiú de dhíth orthu chun rochtain a sholáthar ar áiseanna agus ar chláir lena féidir leo suim a spreagadh agus a bheith féinchothaithe.

Ní hionann gníomhaíocht coirp agus bheith iomaíoch i gcónaí. Tagann soláthar cosán siúil chomh maith le soláthar cosán rothaíochta lena dtugtar muinín do dhaoine úsáid níos mó a bhaint astu laistigh de shainchúram agus smacht an údarais áitiúil agus tá gá le leibhéil níos mó pleanála agus cumarsáide chun lántairbhe a bhaint as a bhfuil ar siúl lasmuigh den saol spóirt.

Comhpháirtíocht Áitiúil Spóirt

D'éirigh go maith le foireann Chomhpháirtíocht Spóirt (CÁS) Dhún Laoghaire-Ráth an Dúin maidir le cláir éifeachtacha a sholáthar go díograiseach. Ar leibhéal an bhoird is fóram tábhachtach é an CÁS maidir leis na téamaí comhoibríocha atá mar bhonn faoin bplean seo a leathnú. Cé go bhfuil údarais áitiúla eile ag cur oibriú an CÁS isteach go dlúth san fheidhm feidhmiúcháin, tá fiúntas ann fós maidir leis an CÁS a choinneáil mar atá sé faoi láthair agus go deimhin a éifeachtúlacht a threisiú trí líon na mball foirne atá ag obair ann a mhéadú.

Mar a thugtar chun suntais sa téama "Soláthar", tá an CÁS ag obair ar leibhéal níos lú ná acmhainneacht iomlán agus tá áiteanna atá maoinithe ag Spórt Éireann nach bhfuil líonta.

Is í an phríomhthosaíocht daoine a mhealladh le bheith gníomhach agus daoine a mhealladh le bheith sásta cúnamh a thabhairt.

Cuid thábhachtach de na moltaí anseo is ea tacaíocht a thabhairt do chláir oiliúna agus d'oibrithe deonacha tríd an CÁS i gcomhpháirtíocht le Spórt Éireann toisc murach na daoine imeoidh na pleananna le sruth. Tá líon na n-oibrithe deonacha tite chun deiridh ar an líon rannpháirtíochta sa téarnamh i ndiaidh Covid agus ní mór aghaidh a thabhairt air sin.

Riachtanas íosta is ea go gcuirfí de chúram ar phost taighde a dhéanamh agus teacht ar na sruthanna maoinithe iomadúla náisiúnta agus Eorpacha atá ann cheana chun an spórt agus an ghníomhaíocht coirp a fhorbairt, a dhírítear go minic ar na grúpaí is deacra teacht orthu.

Féile Spóirt Chomhairle Contae Dhún Laoghaire-Ráth an Dúin

Is rud é atá chomh sean leis na Cluichí Oilimpeacha fócas a sholáthar do gach spórt chun teacht le chéile agus is rud é atá ann fós.

Leis an acmhainn cheart d'fhéadfadh Dún Laoghaire-Ráth an Dúin Féile Spóirt a óstáil thar thréimhse seachtaine agus laethanta téamacha agus ócáid mhór a dhéanamh di.

Feidhmiú mar ardán chun daoine ó chineálacha éagsúla spóirt agus ó chúirí éagsúla a thabhairt le chéile d'fhonn obair le chéile chun rud éigin lena músclófar suim arís sa ghníomhaíocht coirp i ndaoine áirithe, daoine eile nár shamhlaigh iad féin riamh cheana sa spórt a mhealladh agus ardán bliantúil láidir a sholáthar do Dhún Laoghaire-Ráth an Dúin chun seasamh i gcoiríl na gníomhaíochta comhoibríche.

Deis spóirt agus gníomhaíochta coirp a chruthú do chách

Is é príomhról an údaráis áitiúil teacht ar na daonraí sin nach raibh san áireamh go traidisiúnta i rannpháirtíocht sa spórt agus orthu siúd a bhfuil riachtanais bhreise acu trí chláir shaincheaptha a sholáthar agus trí chlubanna agus grúpaí a chumasú agus oiliúint a chur orthu ionas go gcuirfear na daonraí sin san áireamh laistigh de ghníomhaíochtaí spóirt áitiúla atá ann cheana féin.

I ndiaidh dul i gcomhairle go forleathan i measc na ngrúpaí sainleasa éagsúla go léir, tháinig roinnt téamaí coitianta chun cinn, ar fiú níos mó eolais a thabhairt fúthu.



Mná agus Cailíní

Tá spóirt agus gníomhaíocht coirp na mban in áit na leathphingine i gcomparáid leis an gcoibhéis d'fhir. Ar an dea-uair tá sé sin ag athrú go gasta agus tá an fás is mó ar rannpháirtíocht spóirt ag teacht i measc ban agus cailíní.

Molaimid go mór do gach club nó eagraíocht spóirt a fhaigheann maoiniú, soláthar páirce nó tacaíocht ó Dhún Laoghaire-Ráth an Dúin ráiteas comhionannais i scríbhinn a bheith acu agus rochtain chomhionann a sholáthar d'fhoirne na bhfear agus na mban ar a gcuid áiseanna.

Tá sé sin ina cheanglas cheana maidir le scéim Deontais Chaipitil Spóirt Náisiúnta agus ba chóir é a chur i bhfeidhm go cothrom ar mhaoiniú agus ar ghníomhaíocht uile de chuid Dhún Laoghaire-Ráth an Dúin.

Cé go bhféadfadh deacracht a bheith ag baint leis sin do chuid acu nár thug rogha riamh do mhná chun a bheith páirteach, moltar anseo nach gcuirfí aon mhaoiniú nó tacaíocht ar fáil dóibh siúd nach dtugann rochtain chomhionann laistigh de 12 mhí.

Ba cheart dua chaitheamh ar bhonn leanúnach le cláir spóirt a bhaineann go sonrach le mná a réachtáiltear tríd an gComhpháirtíocht Áitiúil Spóirt agus ba chóir go mbeadh dlúthchumarsáid ann freisin le líonra na nOifigeach Mná sa Spóirt i bhformhór na gComhlachtaí Rialaithe Náisiúnta a fhaigheann maoiniú ó Spóirt Éireann.

Ar bhonn praiticiúil, bhain téama a tháinig chun cinn arís agus arís eile sa phróiseas comhairliúcháin le soláthar áiseanna leithris. Baineann rialacha le roinnt spóirt lena gcinntear nach féidir cluichí a imirt ach ag páirceanna ina bhfuil áiseanna leithris.

Ba cheart talamh slán a dhéanamh d'áiseanna leithris a bheith ann go ginearálta agus go háirithe ag páirceanna imeartha agus go mbeidh siad inrochtana do chách.



Daoine faoi Mhíchumas

Bhí ceann de na cruinnithe comhairliúcháin ba dhearfaí ann leo siúd a chuireann deiseanna spóirt agus gníomhaíochta coirp ar fáil do dhaoine faoi mhíchumas. Is iontach an díograis a léiríonn daoine atá ag obair ar bhonn deonach go hiomlán, mórán, agus cuireadh ina luí orainn gurb iadsan na daoine a gcaithfimid tacaíocht a thabhairt dóibh tríd an údarás áitiúil pé bealach is féidir linn.

Tá sé an-luachmhar iad a thabhairt le chéile mar chuid den ‘Fhóram Spóirt do Dhaoine faoi Mhíchumais’ mar is rud an-tairbheach é an fhoghlaím atá le baint as taithí chomhroinnte. Réimse eile is féidir a chur chun feidhme ag a mbeidh tionchar an-dearfach is ea a chinntiú go dtabharfar oiliúint maidir le smaointeoireacht chuimsitheach isteach ar fud na bpointí teagmhála éagsúla le seirbhísí na comhairle.

Is é príomhshruthú spóirt agus gníomhaíochta coirp trí chlubanna atá ann cheana agus in áiseanna spóirt agus imeartha atá ann cheana an bealach is fearr chun leas a bhaint as dea-thoil na gclubanna chun ‘an rud ceart a dhéanamh’ ach freisin chun daoine faoi mhíchumas a chur ar a suaimhneas laistigh dá bpobail féin.



Daoine Óga faoi Mhíbhuntáiste

Is éard a bhí i gceist le rannpháirtíocht leis an spriocphobal sin ná bualadh le múinteoirí agus le hoibrithe deonacha chomh maith leis an rannóg tithíochta chun teacht ar an mbealach is fearr chun a thabhairt ar riachtanais na bpáistí agus na ndaoine óga sin nach mbaineann leis an soláthar spóirt scoile agus club-bhunaithe. Tá rochtain ag 96% de na páistí in aois bhunscoile ar sheisiúin gníomhaíochta coirp ach tá dhá bhacainn ann do chuid acu, is iad sin iompar agus an costas a bhaineann le bheith páirteach.

Iarrataseile ba cheart a fhiosrú ná go gcuirfí seirbhís bus pobail ar fáil a bhféadfadh grúpaí éagsúla é a chur in áirithe chun páistí a thabhairt chuig chuig seisiúin ghníomhaíochta agus ar ais arís. Tá sé deacair rochtain a fháil ar áiseanna cóiríochta sealadaí agus ba cheart iniúchadh a dhéanamh ar bhealaí chun é a dhéanamh níos éasca deiseanna imeartha a sholáthar do pháistí sna cúinsí sin. Tháinig an cheist maidir le spás fisiceach chun páistí níos sine a thabhairt le chéile ann ‘ar shiúl ó na sráideanna’ chun cinn i gcomhairliúchán roinnt uaireanta agus d'fhéadfadh an fhéidearthacht go gcuirfeadh na clubanna spóirt atá ann cheana spás sóisialta ‘crochadh thart’ ar fáil taobh amuigh de sholáthar spóirt amháin a bheith ina thionscnamh pobail fiúntach. Mar gheall ar an méadú ar an daonra ó theach ag a bhfuil gairdíní go cónaí in árasán, tá sé níos tábhachtaí fós taitneamhachtaí spáis phoiblí a sholáthar inar féidir gníomhaíochtaí coirp a chur ar fáil. Ba cheart monatóireacht chúramach a dhéanamh ar an gcomharthaíocht ‘Ní chheadaítear Cluichí Liathróidí’ ón am atá thart chun an úsáid is fearr a bhaint as spás.

Daoine Scothaosta

Trí spás sábháilte a sholáthar le haghaidh siúil, spreagfar sciar de na daoine scothaosta bogadh thart ach is féidir níos mó a dhéanamh. Tá glacadh i bhfad níos mó ag baint le spórt oiriúnaithe agus tá ag éirí go maith le cláir lena n-áirítear peil siúil i measc daoine scothaosta.

Líon an bhallraíocht in áiseanna oscailte pobail a chuireann caitheamh aimsire níos réidhe ar fáil, amhail na cúirteanna pétanque a tógadh i roinnt áiteanna ar fud an Chontae, nuair a osclaíodh iad, rud a thugann le tuiscint go bhfuil gá níos mó le gníomhaíochtaí nua agus fíor-éileamh ar ghníomhaíochtaí nua.

Rinneadh tagairt freisin do spórt 8-80 amhail leadóg mar gheall ar a tharraingtí agus atá sé do dhaoine scothaosta agus mar gheall ar chruthú clár a bhaineann go sonrach le haois, cosúil leis na cinn atá dírithe ar an oige.



Mionlaigh Eitneacha

Le linn cainteanna le hionadaithe ó mhionlaigh eitneacha, cuireadh béim ar an acmhainneacht tógála pobail a bhaineann le spórt a chumasú mar uirlis nasctha. Mar sin féin, ba cheart an fócas a chur ar chomhtháthú níos fearr seachas ar leithscaradh.

Trí réiteach a fháil ar sholáthar áiseanna móra spóirt faoi dhíon (i gcás inár rugadh 74% de bhaill aosaigh Eitpheile na hÉireann thar lear (Foinse: Spórt Éireann)) is féidir cuidiú le spórt amhail eitpheil chun déanamh go maith agus gach náisiúntacht a spreagadh chun páirt a ghlacadh ann. Bíonn tarraingt mhór ar spóirt eile lena n-áirítear cruicéad i measc grúpaí eitneacha éagsúla agus clúdaítear iad sin sa roinn anailíse spórt ar spórt den doiciméad seo.

Pobal an Lucht Siúil

Léiríodh leis an gcomhairliúchán leis an Lucht Siúil na dúshláin a bhíonn rompu maidir le bheith gníomhach ach léiríodh chomh maith a mheáite agus atá siad iad a shárú.

Réimse amháin a bhfuil deis thar na bearta ag baint leis is ea go dtacódh an Chomhairle le clár, comórtas réigiúnach nó náisiúnta i Liathróid Láimhe Ghaelach b'fhéidir, ceann a mbreathnaítear air mar an príomhspórt i measc an phobail. Ní réiteoidh sé sin na fadhbanna imeasctha a bhíonn roimh an bpobal gach lá ach is féidir leis muintearas níos fearr a éascú trí thacaíocht a thabhairt do spórt atá tábhachtach ó thaobh cultúir de.

Cuspóirí - Daoine

Spriocanna	Cuspóirí	Tomhas	Ceannasaí	Freagracht/ Páirtí	Achar ama
Ceiliúradh a dhéanamh ar thairiscint agus ar scála an spóirt agus na gníomhaíochta coirp i nDún Laoghaire-Ráth an Dúin	1.1.1 Féile Spóirt Dhún Laoghaire-Ráth an Dúin a Bhunú	Ceiliúradh Bliantúil	Comhpháirtíocht Áitiúil Spóirt (CÁS)/ Spóirt dlr	CÁS / Spóirt dlr	2025
Líon na gclár spriocdhírthe spóirt agus gníomhaíochta coirp atá ar fáil i nDún Laoghaire-Ráth an Dúin a mhéadú	1.2.1 Cur leis na tionscnaimh rannpháirtíochta atá á dtairiscint sa Chontae cheana féin ina gcumseofar gach aois, cumas agus cúlra	An líon daoine a chomhlíonann na treoirlínte náisiúnta maidir le gníomhaíocht coirp agus spóirt (Beartas Náisiúnta Spóirt) a mhéadú chun sprioc 50% NSP 2027 a bhaint amach agus a shárú	CÁS/ Spóirt dlr	CoCo dlr	Ar siúl
Leanúint le tacaíocht a thabhairt d'obair na n-oibrithe deonacha i nDún Laoghaire-Ráth an Dúin agus an obair sin a éascú	1.3.1 Tacaíochtaí agus oiliúint atá ar fáil d'oibrithe deonacha i gcomhar le Spórt Éireann/Ionad na nOibrithe Deonacha a mhéadú	Líon na n-oibrithe deonacha a mhéadú ó 9% go 11%	CÁS / Spóirt dlr/ Coistí Náisiúnta Rialaithe	CÁS / Spóirt dlr /Coistí Náisiúnta Rialaithe	2025
Tacú le cumas clubanna grúpaí atá faoi mhíbhuntáiste a imeascadh ina gclubanna	1.4.1 Fóram a bhunú le haghaidh ábhar agus saíneolas a bhaineann le cuimsiú chun teacht le chéile ar bhonn ráithiúil agus treoirlínte maidir le tacaíocht a bhunú	Cruinniú Ráithiúil	Comhpháirtíocht Áitiúil Spóirt / Spóirt dlr	Spórt Éireann, clubanna, Fóram Spóirt	2025
Comhoibriú a mhéadú idir an Chomhairle, CÁS, clubanna, scoileanna, grúpaí sainleasa, coistí náisiúnta rialaithe, an pobal i gcoitinne - ag cur béim ar an dea-chleachtas .	1.5.1 Cuireadh oscailte do choistí náisiúnta rialaithe chun plé agus comhoibriú a dhéanamh	One programme a year held in collaboration with NGB's	CÁS/dlr	Spóirt dlr, coistí náisiúnta rialaithe	2025
	1.5.2 Maoiniú na gCathracha Gníomhacha a úsáid chun comhoibriú níos fearr a fhorbairt maidir le cláir agus tionscnaimh ar fud na gceithre Chomhpháirtíocht Spóirt i mBaile Átha Cliath	Comhoibriú amháin breise leis na Cathracha Gníomhacha a dhéanfar gach bliain (ag obair le coiste náisiúnta rialaithe)	Spóirt dlr / CÁS	Spóirt dlr	Ar siúl

Cuspóirí - Daoine

Spriocanna	Cuspóirí	Tomhas	Ceannasaí	Freagracht/ Páirtí	Achar ama
Mná sa Spórt	1.6.1 Ráitis comhionannais i scríbhinn ó aon chlub/eagraíocht a fhaigheann maoiniú ó Dhún Laoghaire-Ráth an Dúin i gcomhréir leis na beartais reatha a bhaineann le míchumas agus cosaint leanaí a chur i bhfeidhm	I bhfeidhm faoin 1ú Meitheamh 2026	Spóirt dlr / CÁS	Coistí náisiúnta rialaithe, Clubanna	2026 - 2027
	1.6.2 Cláir/ tionscnaimh bhreise le cur i bhfeidhm ina ndíreofar go sonrach ar chailíní agus ar mhná óga, m.sh. “Her Moves”, tionscnaimh Spóirt Éireann, ag obair le coistí náisiúnta rialaithe	Céatadán na mban a ghlacann páirt i spórt a mhéadú le go mbeadh sé ar aon dul le rannpháirtíocht na bhfear faoi 2028	CÁS	Spóirt dlr, coistí náisiúnta rialaithe	Ar siúl
	1.6.3 Uasoiliúint a chur ar oibrithe deonacha / ar chóitseálaithe maidir le conas oibriú le cailíní óga/mná		CÁS	Clubanna, Coistí Náisiúnta Rialaithe	Ar siúl
Míchumas, Spórt agus Gníomhaíocht Choirp	1.7.1 Cláir/ tionscnaimh bhreise le cur i bhfeidhm ina ndíreofar go sonrach orthu siúd atá faoi mhíchumas, agus béim ar leith á leagan ar mhíonna an tSamhraidh		CÁS	Spóirt dlr, Clubanna,	Ar siúl
	1.7.2 Uasoiliúint a chur ar oibrithe deonacha / ar chóitseálaithe maidir le conas oibriú leo siúd atá faoi mhíchumas	Céatadán na ndaoine atá faoi mhíchumas a ghlacann páirt i spóirt agus i ngníomhaíocht choirp a mhéadú le bheith i gcomhréir níos mó le daoine nach bhfuil faoi mhíchumas faoi 2028.	CÁS	Clubanna, Coistí Náisiúnta Rialaithe, seirbhísí do dhaoine faoi mhíchumas	Ar siúl
	1.7.3 Trealamh súgartha cuimsitheach a shuiteáil in áiseanna clóis súgartha atá ann cheana		Páirceanna dlr	Pobal dlr, CÁS	Ar siúl
	1.7.4 Fóraim Spóirt do Dhaoine faoi Mhíchumas a chur ar bun chun spás a chur ar fáil inar féidir le hoibrithe deonacha bualadh le scoileanna/ clubanna a bhfuil áiseanna acu dóibh siúd atá faoi mhíchumas		CÁS	Clubanna, seirbhísí do dhaoine atá faoi mhíchumas, scoileanna speisialta	2025

Cuspóirí - Daoine

Spriocanna	Cuspóirí	Tomhas	Ceannasaí	Freagracht/ Páirtí	Achar ama
Daoine Óga faoi Mhíbhuntáiste	1.8.1 Cláir/ tionscnaimh bhreise le cur i bhfeidhm ina ndíreofar go sonrach ar dhaoine óga atá faoi mhíbhuntáiste	Torthaí sláinte do dhaoine óga a fheabhsú i gcomhréir le Sprioc 1 Cuspóir 3 den Bheartas 'UBU Your Place Your Space Policy'	CÁS/Spóirt dlr	Crosscare, scoileanna, Coistí Náisiúnta Rialaithe, Bord Oideachais agus Oiliúna	Ar siúl
	1.8.2 Nasc a dhéanamh le soláthraithe iompair phobail, m.sh. Clár Athstiúrtha Óige na nGardaí agus "Crosscare", agus réimsí ábhartha feabhais a shainaithint do rannpháirtíocht na Comhairle maidir le rannpháirtíocht na Comhairle		Pobal dlr	Spóirt dlr, CÁS	2025
	1.8.3 Féachaint an bhféadfaí spásanna do dhéagóirí a chur ar fáil i gclubanna spóirt atá ann cheana seachas spórt amháin a chur ar fáil		Spóirt dlr	Pobal dlr, Páirceanna dlr, Cathracha Gníomhacha, Foróige, Crosscare	2025
Rannpháirtíocht ghinearálta i spórt agus i ngníomhaíocht choirp a mhéadú i gceantair faoi mhíbhuntáiste i nDún Laoghaire-Ráth an Dúin	1.9.1 Cláir shonracha a thógáil timpeall ar limistéir ainmnithe de réir Innéacs Díothachta — i gcomhairle leis an bpobal faoina riachtanais shonracha.	Scéim rianaithe taighde a bhunú agus a chur i bhfeidhm (roimh bhearta agus ina ndiaidh)	Cathracha Gníomhacha	CÁS, Spóirt dlr	Ar siúl
	1.9.2 Deireadh a chur leis an mbac costais atá ann chun rochtain a fháil ar sheirbhísí dlr do na grúpaí is leochailí	Moltar tacaíochtaí a bhunú chun cabhrú le grúpaí d'fhonn leas a bhaint as áiseanna fóillíochta ginearálta. Ba cheart cláir atá deartha go sonrach agus atá dírithe ar spriocghrúpaí sonracha a chur san áireamh ionas gur féidir le gach duine lánleas a bhaint as na tairbhí ábhartha a bhaineann leis an rannpháirtíocht.	CoCo dlr	Pobal dlr, Spóirt dlr	2025

Cuspóirí - Daoine

Spriocanna	Cuspóirí	Tomhas	Ceannasaí	Freagracht/ Páirtí	Achar ama
Daoine níos Sine	1.10.1 Cláir / tionscnaimh bhreise a chur i bhfeidhm a bheidh dírithe go sonrach ar dhaoine níos sine i gcomhar le Age Friendly dlr, agus béim á leagan ar spóirt inoiriúnaithe	Increase percentage of older people taking part in sport and physical activity in line with and exceeding national targets	CÁS	Pobal dlr, Spóirt dlr, Páirceanna dlr, Comhaontas Aoisbhá	Ar siúl
	1.10.2 Tacú le hobair agus le seachadadh na dtionscnaimh feasachta Straitéise de chuid Age Friendly a dhíríonn go sonrach ar an ngrúpa seo (agus tuiscint ar leith á léiriú ar na bealaí is ábhartha)		CÁS	Spóirt dlr	Ar siúl
	1.10.3 Cláir phíolótacha le bunú chun tacú le clubanna agus iad a spreagadh chun daoine fásta níos sine a rannpháirtiú nuair is cuí		CÁS	Pobal dlr, Spóirt dlr, Clubanna.	Ar siúl
	1.10.4 “Green Prescription” - níos mó de na cláir seo níos minice i níos mó áiteanna - fóirdheonaithe ag an tús (ag forbairt feasachta maidir leis an nasc atá ag gníomhaíocht choirp leis an tsláinte choirp)		FSS	Comhpháirtíocht Áitiúil Spóirt, Spóirt dlr, Pobal dlr	2025
Mionlaigh Eitneacha	1.11.1 Tionscnaimh / straitéis chumarsáide le cur i bhfeidhm a bheidh dírithe go sonrach ar an ngrúpa seo	Increase in no. of targeted programmes and participants	CÁS	Fóram Lánpháirtithe um Mionlaigh Eitneacha, Pobal dlr, Spóirt dlr,	2025
	1.11.2 Áiseanna ilspóirt a spreagadh chun rochtain a thabhairt do chách — agus béim ar leith á leagan ar spóirt a bhfuil tóir orthu i dtíortha eile.		CoCo dlr	Páirceanna dlr, Spóirt dlr, Comhpháirtíocht Áitiúil Spóirt	2026 - 2027
	1.11.3 Fiosrú a dhéanamh ar thacaíocht fhéideartha do thionscnaimh rannpháirtíochta i gcomhpháirtíocht leis an Lucht Siúil i nDún Laoghaire-Ráth an Dúin		CÁS	STAG, Spóirt dlr, Pobal dlr	2025

ii) Áiteanna - Na hÁiseanna a Úsáidimid

Is gné ríthábhachtach den phlean iad na háiteanna ina bhfuilimid gníomhach agus is féidir iad a roinnt go ginearálta i gcúig limistéar — páirceanna imeartha agus áiseanna spóirt ar leith faoin aer, spásanna faoi dhíon chun freastal ar spóirt éagsúla, na páirceanna agus an timpeallacht atá mórthimpeall orainn, áiseanna fóillíochta agus linnte snámha dlí, agus rud a bhaineann le Dún Laoghaire-Ráth an Dúin go sonrach, Cuan Dhún Laoghaire.

Tá bonneagar spóirt in Éirinn tar éis bogadh ar aghaidh den chuid is mó ó chur chuige ad hoc agus tá tionchar dearfach tar éis a bheith aige sin ar rannpháirtíocht a mhéadú agus a chothú. Ní mór bonneagar spóirt a dhearadh, a lonnú, a thógáil, a chothabháil agus a fheidhmiú de réir na gcaighdeán iomchuí má táimid chun dul chun cinn ceart a dhéanamh maidir leis na spriocghrúpaí is deacra a bhaint amach.

An Cuan

Réimse amháin ina bhfuil deis shoiléir agus láithreach eile is ea leas a bhaint as buntáiste uathúil an chuain agus tacú le cruthú an Champais Náisiúnta Spóirt Uisce i nDún Laoghaire.

Is tionscadal é seo atá maoinithe go náisiúnta agus atá ag dul go céim an deartha tráth na scríbhneoireachta, ach atá in ann an áis uathúil atá sa Chontae a athrú ó bhonn chun spórt uisce a sholáthar.

Is saincheist í rochtain ar an uisce a tháinig chun cinn go minic i bpróiseas comhairliúcháin an phlean seo agus beidh sé ina phríomhghné maidir le páirtithe leasmhara a thabhairt le chéile mar chuid de chéim an dheartha chun úsáid shábháilte agus inrochtana na sleamhnán a chur san áireamh.

Ba chóir go mbeadh fáilte roimh spóirt éagsúla idir Sheoltóireacht agus rámhaíocht, cadhcáil agus clársheoltóireacht toisc go dtugann siad beocht don cheantar.



Fóillíocht dlr agus Linnte Snámha

Is eintiteas ar leith é Fóillíocht dlr a bhfuil sé de chúram air na háiseanna spóirt atá faoi úinéireacht Dhún Laoghaire-Ráth an Dúin a sheachadadh. Tá soláthar na nithe sin ar ardchaighdeán agus ar aon dul, ar a laghad, le soláthar ar bith eile ar fud na tíre.

Moltar tacaíochtaí a bhunú chun cabhrú le grúpaí d'fhonn leas a bhaint as áiseanna fóillíochta ginearálta. Ba cheart cláir atá deartha go sonrach agus atá dírithe ar spriocghrúpaí sonracha a chur san áireamh ionas gur féidir le gach duine lánleas a bhaint as na tairbhí ábhartha a bhaineann leis an rannpháirtíocht.



Áiseanna faoi Dhíon

Tá bearna shoiléir ann i soláthar seirbhísí faoi dhíon agus áiseanna tacaíochta cosúil le seomraí feistis agus stóráil. Is léir don doiciméad seo go bhfuil airgead breise á chur ar fáil ón Rialtas láir d'áiseanna Naomh Tomás agus Samuel Beckett.

Soláthraíonn Naomh Tomás go háirithe teimpléad maidir le conas is féidir leis an údarás áitiúil mar phríomhpháirtí comhoibriú le clubanna ceannais agus le páirtithe leasmhara spóirt féideartha eile chun áis oiriúnach don fheidhm a sholáthar ar féidir léi gníomhú mar theimpléad ar fud na tíre.



Páirceanna agus Spás Oscailte

Is áis don daonra ar fad iad ár bpáirceanna agus ní féidir smaoineamh orthu mar áiteanna chun forbairt a dhéanamh ar áiseanna spóirt traidisiúnta amháin. Ní bhaineann formhór mór an daonra úsáid as páirceanna imeartha ach tá sé tábhachtach smaoineamh ar áiteanna inar féidir leo siúl, rith nó scíth a ligean mar chuid dá ngníomhaíocht phearsanta.

Tá sé tábhachtach cosáin shábháilte a chothabháil le soilse agus comharthaíocht chuí, agus is fiú é a dhéanamh i gceart. Is féidir é seo a bhaint amach go réasúnta tapa agus tugann sé le fios gur timpeallachtaí sábháilte iad na páirceanna. Moltar níos mó áiseanna leithris phoiblí a sholáthar freisin, le comharthaíocht dírithe ar an áit a mbeidh siad lonnaithe agus cé chomh fada i gcéin atá siad. Ba cheart machnamh a dhéanamh ar chaighdeán ar leith chun na háiseanna seo a phleanáil mar chuid dár bpáirceanna go léir.



Na Sléibhte

Is acmhainn ollmhór iad na sléibhte atá ar theorainn an Chontae san Iarthar agus sa Deisceart le haghaidh gníomhaíocht fhisiciúil shláintiúil i suíomh nádúrtha.

Tá sé mar aidhm ag na conairí siúil agus straitéisí siúil a thug Spórt Éireann isteach rochtain a spreagadh ar fud gach aoisghrúpa, beag beann ar rannpháirtíocht i spóirt eile. Is gné thábhachtach den timpeallacht iad conairí capall freisin.

Moltar go ndéanfaí imscrúdú ar rochtain níos fearr ar na sléibhte dóibh siúd a úsáideann iompar poiblí ionas gur féidir an acmhainn iontach seo nach bhfuil leas á baint as fós a chur ar fáil i saolré na straitéise seo. Cuirtear fáilte roimh thagairt shonrach d'fhorbairt na sléibhte le haghaidh úsáid an phobail laistigh de Straitéis nua Turasóireachta an Chontae agus ba cheart go dtacódh sí leis an obair atá á déanamh ag Comhpháirtíocht Shléibhte Bhaile Átha Cliath.



Páirceanna Imeartha

Tá an chuid is mó de dhaoine óga gníomhach le spóirt foirne agus dá bharr sin, tá páirceanna imeartha de dhíth.

Aithnítear sa phlean seo go bhfuil spás i nDún Laoghaire-Ráth an Dúin fíorghann agus tá sé tábhachtach úsáid níos éifeachtúla a bhaint as an méid atá againn i gcónaí.

Tríd an gcóras áirithinte ar líne, beifear in ann úsáid níos fearr a bhaint as an líonra páirce.

Tabharfaidh na ceachtanna agus na sonraí a thiocfaidh chun solais le linn an chéad dá bhliain den chóras áirithinte a bheith i bhfeidhm léargas soiléir ar úsáid de réir clubanna aonair agus spóirt agus cuirfidh siad in iúl cén áit ar féidir níos mó a chur ar fáil ag amanna éagsúla den tseachtain nó den bhliain.

D'éirigh go maith leis an aistriú beartais i dtreo áiseanna ilspóirt a chruthú i gcomhpháirtíocht leis an údarás áitiúil, le scoileanna agus clubanna spóirt agus leanfar leis sin de réir mar a thiocfaidh níos mó daoine chun cinn.

Tá sé tábhachtach, i gcomhréir leis an mbeartas náisiúnta, go mbeadh áiseanna inmharthana le haghaidh úsáid ilspóirt. Toisc go mbaineann sé seo le páirceanna imeartha, ba chóir iad a thógáil chun go bhféadfaí spóirt páirce éagsúla a imirt ann, le páirc mhór de dhíth do Chluichí Gaelacha, agus méideanna níos lú don pheil, rugbaí, haca agus do thraenáil níos ginearálta.


Tá dul chun cinn leanúnach á dhéanamh i dteicneolaíocht páirce agus cruthóidh sé seo leibhéil úsáide níos mó agus ní bheidh tionchar aige ar an gcomhshaol mar a bhí gceist le páirceanna 'plaisteacha' ar dtús. Ba cheart pleananna cothabhála a chomhaontú ar bhonn bliantúil.



Bunachar Sonraí “Éirigh Gníomhach in Éirinn” don Phleanáil

Is acmhainn luachmhar é an bunachar sonraí nua “Éirigh Gníomhach in Éirinn” ó Spórt Éireann atá ar fáil anois d’údaráis áitiúla, d’eagraíochtaí spóirt agus don phobal i gcoitinne. Tá mapáil déanta aige ar na hionaid spóirt agus gníomhaíochta go léir ar fud na tíre i mbunachar sonraí inchuadaithe.

De réir mar a chuirfear i bhfeidhm é sna míonna agus sna blianta amach romhainn, ní bheidh sraitheanna le feiceáil ach ag pleanálaithe údaráis áitiúla a chumasóidh athruithe daonra, tithíocht agus forbairt iompair a shamhaltú ionas gur féidir gníomhaíocht choirp a phleanáil ón tús seachas a chur leis i ndiaidh an bhirt.



Inbhuanaitheacht

Tá tuairim ann nach bhfuil i spás glas ach áis spóirt a bhfuil forbraíocht i ndán dó.


Cé go bhfuil na páirceanna imeartha fíorghann agus go bhfuil gá leo agus leibhéil ghníomhaíochta ag ardú, go háirithe i measc na mban agus na gcailíní, ní mór dúinn a thuiscint go bhfuil an spórt ann i gcomhthéacs níos leithne.

Is spásanna iad páirceanna atá oscailte do chách agus ní mór dóibh a bheith cuimsitheach seachas a bheith dírithe orthu siúd amháin a imríonn spóirt foirne.

Molann an doiciméad seo athruithe ar an gcaoi a mbíonn páirceanna agus bonneagar poiblí ar fáil le haghaidh gníomhaíochta ach déanann sé iarracht a chinntiú nach mbíonn drochthionchar ag na moltaí sin ar an gcomhshaol.

Ba cheart inbhuanaitheacht chomhshaoil a chur san áireamh ag an gcéim tosaigh agus imscrúdú á dhéanamh ar uasghráduithe áiseanna agus ar fhorbairt amach anseo.

Ba cheart an soláthar agus an chothabháil páirce is déanaí atá níos inbhuanaithe a ghlacadh i gcónaí chun an tionchar ar an gcomhshaol a laghdú.



Cuspóirí - Áiteanna

Spriocanna	Cuspóirí	Tomhas	Ceannasaí	Freagracht/ Páirtí	Achar ama
Áiseanna spóirt uiscebhunaithe atá ann cheana a fheabhsú i nDún Laoghaire -Ráth an Dúin	2.1.1 Tacú le forbairt an Champais Náisiúnta Spóirt Uisce a bheidh lonnaithe i gCuan Dhún Laoghaire. Cuirfidh sé seo áiseanna breise agus réimse imeachtaí ar fáil ar mhaithe leis na rannpháirtithe, na scoth-lúthchleasaithe agus an turasóireacht áitiúil	Monatóireacht a dhéanamh ar fhorbairtí le grúpa oibre an Champais agus ar an maoiniú ón gCiste um Bonneagar Spóirt ar Mhórsála de chuid an Rialtais le garspriocanna bliantúla	Cuan dlr	Harbour User Group, Spóirt dlr. DTCAGSM	2028-2029
	2.1.2 Páirceáil gar do shleamhnáin a chur ar leataobh le haghaidh úsáid chosanta dóibh siúd nach féidir leo ach trealamh a iompar i gcarr, m.sh cadhcanna	Roinnt spásanna a thiontú ar gach sleamhnán / pointe iontrála go dtí an t-uisce	Cuan dlr	CoCo dlr	2026 - 2027
	2.1.3 Áiseanna stórála a chur ar fáil d'úsáideoirí spóirt uisce	Cuimsiú i dtógáil an Champais Spóirt Uisce	Cuan dlr	Harbour User Group, Clubs	2028-2029
Áiseanna faoi dhíon a uasmhéadú trí úsáid ilspóirt	2.2.1 Plean a dhéanamh maidir le háis mhór faoi dhíon amháin eile ar a laghad a fhorbairt mar shampla d'áis nua-aimseartha, nua, ilspóirt,	Áis faoi dhíon sa bhreis laistigh den Chontae	CoCo dlr	Páirceanna dlr	2026-2027
	2.2.2 Imscrúdú a dhéanamh ar an bhféidearthacht maidir le forbairt a dhéanamh ar phaistí talún / síntí foirgnimh atá ann cheana agus nach bhfuil in úsáid faoi láthair, le haghaidh áiseanna nuálacha ilspóirt agus spás oscailte poiblí breise	Tuascáil oibre agus plan gníomhaíochta a chur le chéile maidir leis an spás atá ann cheana agus atá ar fáil le húsáid i nDún Laoghaire-Ráth an Dúin	Páirceanna dlr	dlr Community, Spóirt dlr	2026-2027
	2.2.3 Múnla comhpháirtíochta scoile / club a chur in oiriúint bunaithe ar pháirceanna imeartha rathúla, mar chás-staidéar chun níos mó áiseanna faoi dhíon a chur san áireamh	3 chomhpháirtíocht nua a bheith i bhfeidhm le scoileanna faoi dheireadh 2026	Páirceanna dlr	dlr Community, Spóirt dlr	2026 - 2027
	2.2.4 Marcáil ilspóirt a mhéadú ar chúirteanna / páirceanna imeartha laistigh agus lasmuigh atá ann cheana agus atá nua	Cúirteanna / páirceanna imeartha le marcanna ilspóirt le méadú faoi dheireadh 2029	Páirceanna dlr	Spóirt dlr	Ar siúl
	2.2.5 Roghanna spóirt chomhraic i nDún Laoghaire-Ráth an Dúin a mhéadú, lena n-áirítear áis nua amháin ar a laghad a sholáthar a bheidh dírithe ar úsáid i measc clubanna éagsúla.	Áis faoi dhíon a sholáthar le haghaidh spóirt chomhraic	CoCo dlr	Páirceanna dlr	2027-2028

Cuspóirí - Áiteanna

Spríocanna	Cuspóirí	Tomhas	Ceannasaí	Freagracht/ Páirtí	Achar ama
Feabhas a chur ar áiseanna atá ann cheana i nDún Laoghaire-Ráth an Dúin	2.3.1 Cláir faisnéise a chur suas le marcanna faid, sonraí páirce agus eolas maidir le himeachtaí beartaithe i bpáirceanna ar fud dlr		Active Cities	Páirceanna dlr/CÁS	2025-2026
	2.3.2 Feabhas a chur ar sholáthar suíochán, seomraí feistis agus áiseanna leithris ag áiseanna reatha lasmuigh agus laistigh	Staidéar taighde a dhéanamh le saoránaigh Dhún Laoghaire-Ráth an Dúin chun measúnú a dhéanamh ar leibhéil chomhaontaithe le cuspóirí sonraithe (roimh chur i bhfeidhm an phlean agus ina dhiaidh)	Páirceanna dlr	Clubs, Spóirt dlr	Ar siúl
	2.3.3 Feabhas a chur ar inrochtaineacht, ar thaisteal gníomhach agus ar iompar poiblí chuig páirceanna / áiseanna spóirt in dlr		Taisteal Gníomhach	Páirceanna dlr,	2026-2027
	2.3.4 Soilsiú a mhéadú (nuair is féidir, ag brath ar an gcomhshaol) i bpáirceanna dlr / feabhas a chur ar chosáin áitiúla maidir le rothaíocht, siúl agus rith		Páirceanna dlr	Taisteal Gníomhach	Ar siúl
	2.3.5 Leanúint ar aghaidh le forbairt clár feabhsúcháin do pháirceanna imeartha agus áiseanna dlr	Líon na bpáirceanna imeartha a chuirtear ina gceart in aghaidh na bliana	Páirceanna dlr	Spóirt dlr	2026-2027
	2.3.6 Úsáid níos mó a bhaint as teicneolaíocht / sonraí chun úsáid níos éifeachtúla a bhaint as na hacmhainní atá ann faoi láthair	Ardán sonraí Áirithinte ar Líne / Bainistíochta Áiseanna a thabhairt isteach agus comhtháthú a dhéanamh le bunachar sonraí 'Éirigh Gníomhach in Éirinn' de chuid Spóirt Éireann faoi dheireadh 2025	Páirceanna dlr	Spóirt dlr	2025
	2.3.7 Straitéis maidir le Bainistiú Páirceanna Imeartha a fhorbairt chun sócmhainní páirce a bhainistiú ar fud an Chontae	Imscrúdú a dhéanamh agus córas níos inbhuanaithe agus níos cothroime a bhunú chun cothabháil leanúnach na bpáirceanna imeartha a mhaoiniú	Páirceanna dlr	Páirceanna dlr, Clubanna	2026-2027
	2.3.8 Pleananna cothabhála a chur i bhfeidhm	Pleananna cothabhála i bhfeidhm le haghaidh gach áise faoi dheireadh 2026	Páirceanna dlr	Clubanna	2026-2027

Cuspóirí - Áiteanna

Spriocanna	Cuspóirí	Tomhas	Ceannasaí	Freagracht/ Páirtí	Achar ama
Rochtain ar na Sléibhte a fheabhsú	2.4.1 Iniúchadh a dhéanamh ar roghanna iompair chun Sléibhte Bhaile Átha Cliath a chur ar fáil dóibh siúd nach féidir leo tiomáint	Rogha iompair phoiblí a bhunú	Turasóireacht dlr	DMP	2026 - 2027
A chinntiú go bhfuil an inbhuanaitheacht, an bhithéagsúlacht agus an cuimsiú lárnach i ngach clár, tionscnamh agus beartas a fhorbraítear chun críche spóirt agus gníomhaíochta coirp	2.5.1 Lena n-áirítear inbhuanaitheacht chomhshaoil mar chuid lárnach d'aon chinneadh maidir le huasghráduithe áise nó forbairtí amach anseo	Le forbairt thar thréimhse an phlean seo	CoCo dlr	Páirceanna dlr	Ar siúl
	2.5.2 Feachtas inbhuanaitheachta a chur i bhfeidhm in dlr ina leagtar amach an méid is féidir le clubanna agus daoine aonair a dhéanamh chun inbhuanaitheacht a chur chun cinn, clár píolótach a sheoladh le clubanna chun 'uirlisí inbhuanaitheachta' a fhorbairt ar féidir iad a chur i bhfeidhm ar fud an chontae tar éis an chlár píolótaigh	Seoladh an chlár píolótaigh	Bithéagsúlacht dlr	Comhpháirtíocht Áitiúil Spóirt, Spóirt dlr, Clubanna	mid 2026
	2.5.3 A chinntiú go n-úsáidtear an soláthar agus an chothabháil inbhuanaithe is déanaí maidir le páirceanna imeartha nuair is ábhartha chun an tionchar ar an gcomhshaol a laghdú.	Le forbairt thar thréimhse an phlean seo	Páirceanna dlr	Fóillíocht dlr	Ar siúl
	2.5.4 Forbairt áise chun próiseas Scagtha AA / SEA (Maoluithe NIS más infheidhme) a leanúint i bhfianaise láithreáin Natura 2000 agus na Treorach maidir le Gnáthóga.	Forbairt áise i gcomhréir le beartas áitiúil agus náisiúnta	CoCo dlr	Páirceanna dlr	Ar siúl
	2.5.5 Oibriú i gcomhar le húdaráis áitiúla eile i mBaile Átha Cliath, leis an tSeirbhís Páirceanna Náisiúnta agus Fíadhlúra agus le hOifig na nOibreacha Poiblí chun plean straitéiseach a fhorbairt chun cadhain a chaomhnú	Plean straitéiseach a fhorbairt chun cadhain a chaomhnú agus chun na láithreáin a úsáideann na speicis sin a bhainistiú.	Bithéagsúlacht dlr	Páirceanna dlr	2027

iii) Seachadadh - Cur i bhfeidhm an Phlean

Mar is léir ó staitisticí náisiúnta tá daonra gníomhach i nDún Laoghaire-Ráth an Dúin agus tá áiseanna agus cláir spóirt agus gníomhaíochta coirp maithe á gcur ar fáil ann.

Beidh teannas ann i gcónaí idir clubanna agus comhlachtaí éagsúla spóirt a bhraitheann go bhfuil margadh níos fearr á fháil ag daoine eile ná mar atá á fháil acu, go háirithe i dtimpeallacht ina bhfuil líon na rannpháirtíochta ag ardú agus nach féidir leis an soláthar áiseanna freastal ar an méadú sin ar an éileamh.

I gcás ina bhfuil teannas den sórt sin ann, ní mór bealach soiléir cumarsáide a bheith ann, machnamh a dhéanamh ar phrionsabail oscailte thrédhearcacha, agus seachadadh tráthúil a dhéanamh.

Laistigh d'Fheidhmiúchán an Údaráis Áitiúil, is gá bainistiú an spóirt a uasghrádú trí acmhainn dhaonna níos mó a sholáthar.

Is deacair an méid atá bainte amach go dtí seo a chreidiúint i bhfianaise an ualaigh oibre agus na n-acmhainní teoranta.

Ní mór do réimsí eile laistigh den fheidhmeannas ó Pháirceanna go Turasóireacht agus lompar go Tithíocht líne amhairc níos soiléire a bheith acu agus tuiscint níos fearr a bheith acu ar an gcaoi a ndéantar spóirt agus gníomhaíocht choirp a phleanáil, a sheachadadh agus a bhainistiú.

Tá sé ríthábhachtach go mbeadh oifig níos mó ann ná mar atá faoi láthair má táthar chun an réimse seo den saol poiblí a choinneáil ar bun gan trácht ar é a fheabhsú i gcomhréir leis na moltaí sa phlean seo.

Tá próisis agus struchtúir molta againn maidir le planáil agus cothabháil leanúnach a bheidh soiléir agus thrédhearcach do chách, le tosaíochtaí agus riachtanais is féidir a thuiscint go héasca, agus leis an acmhainn dhaonna is gá chun iad a dhéanamh éifeachtach agus iontaofa. Chomh maith leis sin, i gcur chuige níos iomláine ar fud feidhmeanna éagsúla ina meastar planáil, seachadadh agus bainistíocht mar aon ní amháin agus ní nuair a bhíonn céim amháin críochnaithe.

Mar a luadh cheana, tugann an tionscadal ag Naomh Tomás teimpléad dúinn ar conas is féidir é seo a sheachadadh ar thionscadail chaipitil eile ar fud an Chontae.

Maidir le gné na gclár, tá poist gan líonadh ann le maoiniú ag fanacht le tarraingt anuas ó Spóirt Éireann.

Tríd an acmhainn cheart a chur ar fáil go himmheánach, beifear in ann Dún Laoghaire-Ráth an Dúin a sheachadadh agus a chur i láthair mar cheannaire náisiúnta sa réimse seo ar bhealach níos éasca.

Gan infheistíocht a dhéanamh sa leibhéal ceart foirne, ní féidir na tairbhí a bhaineann leis na moltaí sa phlean seo a bhaint amach.

Cumarsáid

Ní leor cláir iontacha a chur le chéile agus a sheachadadh, ní mór iad a chur in iúl ionas go dtuigfidh an pobal i gcoitinne an méid atá ar siúl, an méid atá ar fáil agus conas rochtain a fháil ar ghníomhaíochtaí.

Tá spórt taobh thiar de na healaíona sa réimse seo ar go leor bealaí, ag brath ar an gcur chuige go bhfuil an t-eolas atá á lorg ag daoine ar eolas ag daoine cheana.

Chonaiceamar cheana féin an buntáiste suntasach a bhaineann leis an obair atá déanta agus an méid atá bainte amach ag an gComhpháirtíocht Áitiúil Spóirt trí Oifigeach Margaíochta agus Faisnéise Spóirt a cheapadh, agus ní mór é sin a leathnú ar fud an Aonaid Spóirt i gcoitinne chomh maith.

Tá sé sin go breá laistigh de thimpeallacht chlub ach baineann an plean seo le cumarsáid agus teagmháil níos mó a dhéanamh le níos mó grúpaí.

Tá sé níos deacra teagmháil a dhéanamh leo, rud a chiallaíonn nach mbeidh feachtas tarraingteach agus éifeachtach ar na meáin shóisialta ina bhealach maith chun go leor de na grúpaí atáimid ag iarraidh a bheith rannpháirteach a shroicheadh.

Tá gá le buiséad chun úsáid a bhaint as bealaí atá ann cheana amhail cláir fógraí dhigiteacha, lampaí sráide, boscaí bruscair agus scáthláin bhus, atá infheicthe don phobal, chun imeachtaí, gníomhaíochtaí agus cláir a fhógairt ar bhonn pleanáilte agus athnuachan leanúnach.

Chun aitheantas iomlán a fháil don ról tábhachtach atá ag an údarás áitiúil, ba cheart go mbeadh sé ina cheanglas freisin, a fhorfheidhmiú, go mbeadh brandáil dlr léirithe go cuí laistigh d'áiseanna spóirt agus i dtimpeallachtaí club.



Foinse na híomhá: <https://dlrsportspartnership.ie/images/>

Cuspóirí - Seachadadh

Spriocanna	Cuspóirí	Tomhas	Ceannasaí	Freagracht/ Páirtí	Achar ama
Na hacmhainní atá ar fáil don Chomhairle agus dá páirtithe a mhéadú chun beartais spóirt agus	3.1.1 Poist a chruthú d'Oifigigh Áiseanna Spóirt chun gníomhú mar phríomhphointí teagmhála don Chomhpháirtíocht Áitiúil Spóirt, do chlubanna agus don Chomhairle, le freagracht áiseanna spóirt a bhainistiú. Post nua breise le haghaidh cúrsaí Bainistíochta, Monatóireachta agus Teagmhála ar an bPlean Spóirt agus Gníomhaíochta Coirp.	4 Oifigeach Áiseanna Spóirt lánaimseartha breise fostaithe faoi dheireadh 2025. Ceann amháin lasmuigh, ceann amháin laistigh, Campas Náisiúnta Spóirt Uisce amháin. Oifigeach Cur i bhFeidhm Straitéise breise amháin in 2025	CoCo dlr	Páirceanna dlr, Cuan dlr	2026-2027
	3.1.2 Líon na bhfolúntas atá sa Chomhpháirtíocht Áitiúil Spóirt faoi láthair a chomhlíonadh	Gach folúntas reatha a bhfuil maoiniú ann dó le líonadh laistigh de 6 mhí tar éis maoiniú a fháil	AD	An Roinn Pobail, Seirbhísí Cultúrtha agus Páirceanna	2025
	3.1.3 Feabhas a chur ar bhainistiú caidrimh idir an Chomhairle agus clubanna le hoifigeach nua Áiseanna Spóirt mar theagmhálaí tosaigh leis an gComhairle	Córas i bhfeidhm chun pointí teagmhála a ainmniú do chlubanna trína gcaithfear gach iarratas a dhéanamh	Páirceanna dlr	CoCo dlr	2026- 2027
	3.1.4 Gnásanna socraithe a shoiléiriú agus a bhunú maidir le maoiniú caipitil spóirt	Tréimhse bhliantúil le comhaontú inar féidir le clubanna iarratais fhéideartha ar dheontais a chur faoi bhráid Chomhairle dlr le haghaidh staidéir indéantachta sula bhfógrófar Deontais Chaipitiúla don bhliain sin faoi thús 2025	Páirceanna dlr	Spóirt dlr	2025
	3.1.5 Imscrúdú a dhéanamh ar an bhféidearthacht go ndéanfadh an earnáil phríobháideach agus fostóirí móra urraíocht ar áiseanna poiblí	Clár píolótach le tosú ag plé le Coiste Náisiúnta Rialaithe réamhghníomhach	CoCo dlr	CoCo dlr	2026- 2027

Cuspóirí - Seachadadh

Spriocanna	Cuspóirí	Tomhas	Ceannasaí	Freagracht/ Páirtí	Achar ama
Leibhéil feasachta ar chlár agus ar dheiseanna a mhéadú ar fud Dhún Laoghaire-Ráth an Dúin	3.2.1 Acmhainn leithdháilte chun leas a bhaint as na cainéil meán atá ar fáil don Chomhairle cheana féin, m.sh clár fógraí, lampaí sráide, boscaí bruscair, scáthláin bhus, cainéil ar líne agus ar na meáin shóisialta srl.	Le baint amach in 2025	Comhpháirtíocht Áitiúil Spóirt	Spóirt dlr, dlr Comms	Ar siúl
	3.2.2 Straitéis chumarsáide shonrach le forbairt le haghaidh grúpaí atá deacair le sroicheadh, m.sh daoine fásta níos sine, an Lucht Siúil, mionlaigh eitneacha	Le baint amach in 2025	Comhpháirtíocht Áitiúil Spóirt	Spóirt dlr, dlr Comms	2025
	3.2.3 Doiciméad / foilsiú leanúnach ráithiúil maidir le gníomhaíochtaí an chlár a fhorbairt	Le baint amach in 2025	Comhpháirtíocht Áitiúil Spóirt	Spóirt dlr, dlr Comms	2025
	3.2.4 A chinntiú go bhfuil brandáil chuí maidir le Dún Laoghaire-Ráth an Dúin in áiseanna spóirt agus i dtimpeallachtaí club	Beidh brandáil ag gach áis mhaoinithe de chuid dlr faoi dheireadh 2025.	Páirceanna dlr	dlr Community, Páirceanna dlr	2025
Rialachas ceart agus seachadadh cuí an phlean straitéisigh a chinntiú sna 5 bliana amach romhainn	3.3.1 Struchtúir rialachais agus bhainistíochta a neartú maidir le spórt agus gníomhaíocht choirp a sheachadadh sa Chontae	Ceanglais chomhlíontachta agus tuairiscithe uile na ngníomhaireachtaí maoiniúcháin a chomhlíonadh	CoCo dlr / Bord um Chomhpháirtíocht Áitiúil	CÁS, Spóirt dlr	Ar siúl
	3.3.2 Plean a fhorbairt chun monatóireacht agus meastóireacht a dhéanamh ar an straitéis seo ar feadh a saolré	An próiseas bliantúil monatóireachta agus meastóireachta agus an plan le cur i bhfeidhm	Dept of Community, Cultural Services and Parks	Spóirt dlr, Páirceanna dlr, Comhpháirtíocht Áitiúil Spóirt	2025

iv) Spéir Ghorm - Féachaint chun cinn

Is plean cúig bliana é seo ina bhfuil réimsí sainaitheanta agus curtha i gclár ama le haghaidh feabhas ginearálta ar an mbealach a sheachadtar spórt agus gníomhaíocht choirp.

Ag féachaint chun cinn áfach, tá roinnt smaointe liostaithe anseo ar fiú machnamh a dhéanamh orthu le himeacht ama.

Bus Spóirt na Scoile

San Íoslainn, cuireann an Rialtas seirbhís bus ar fáil do gach leanbh scoile a thugann chuig áiseanna spóirt ina gcomharsanacht iad, áit a dtugann cóitseálaithe agus foireann atá íoctha agus cosanta go hiomlán deis dóibh a bheith gníomhach go fisiciúil i dtimpeallacht taobh amuigh den scoil.

De ghnáth ní úsáidtear na háiseanna spóirt idir deireadh na scoile ag 2-4in agus 6in nuair is féidir le tuismitheoirí nó caomhnóirí teacht ag am níos oiriúnaí dóibh ó thaobh cúinsí oibre de.

D'fhéadfadh Dún Laoghaire-Ráth an Dúin clár píolótach den chineál céanna a reáchtáil a d'fhéadfadh feabhas a chur ar roinnt réimsí tábhachtacha de shaol an phobail.

Mar a pléadh ag tús an doiciméid, tá ceann de na rátaí rannpháirtíochta is airde sa tír ag an gcontae. Ós rud é go bhfuil sé ar cheann de na ceantair is mó daonra lasmuigh de Lár Chathair Bhaile Átha Cliath agus go bhfuil luachanna talún aige a chuireann teorainn le tógáil áiseanna, tá dúshlán ann maidir le háiseanna nua a fhorbairt.

Déanfaidh an Chomhairle imscrúdú agus cruthóidh sí tuarascáil maidir leis an úsáid a d'fhéadfaí a bhaint as talamh atá ann cheana féin lasmuigh de pháirceanna poiblí chun mol spóirt a thógáil.

Dhá shampla de sin is ea láithreáin athfhorbraíochta atá ann cheana a úsáid agus talamh feirme a fháil nuair is féidir ag brath ar mhaoiniú. Caithfear cothromaíocht a chur san áireamh idir an cás mar atá ó thaobh cúrsaí eacnamaíocha de, tosca comhshaoil, agus riachtanas an phobail.

Cuspóirí - Spéir Ghorm

Spriocanna	Cuspóirí	Tomhas	Ceannasaí	Freagracht/ Páirtí	Achar ama
Dún Laoghaire-Ráth an Dúin a chur chun cinn mar an príomh-Chontae le haghaidh rannpháirtíocht sa Spórt agus Gníomhaíocht Choirp in Éirinn	4.1.1 Ardán dea-chleachtais de chuid na Comhairle a fhorbairt chun grúpaí ar deacair teacht orthu a chur san áireamh	Le cinneadh má chuirtear an cuspóir i bhfeidhm / i gcás ina gcuirtear i bhfeidhm é	Comhpháirtíocht Áitiúil Spóirt	Spóirt dlr, Páirceanna dlr, Pobal dlr	2028/ 2029
	4.1.2 Imscrúdú a dhéanamh ar fhéidearthacht Bhus Spóirt Scoile — Beartas iompair saor in aisce a fhorbairt ó scoileanna go dtí limistéir ghníomhaíochta ar leith — i gcomhpháirtíocht le hinstiúidí (m.sh UCD) chun oibrithe deonacha agus cóitseálaithe a sholáthar	Le cinneadh má chuirtear an cuspóir i bhfeidhm / i gcás ina gcuirtear i bhfeidhm é	CoCo dlr	An Roinn Oideachais, Scoileanna	2028/ 2029
	4.1.3 Tuarascáil a fhorbairt maidir leis an bhféidearthacht maidir le suíomh a aithint do Mhol Spóirt sa chontae.	Doiciméad oibre a fhorbairt ina mbeidh fáil ar thalamh féideartha, lena n-áirítear sainaithint láithreán athfhorbraíochta cuí.	Bainistíocht Réadmhaoine	Páirceanna dlr	2027/ 2029
	4.1.4 Imscrúdú a dhéanamh ar an bhféidearthacht maidir le Rothair Bhaile Átha Cliath (clár rothair ar cíos) a leathnú chuig Dún Laoghaire-Ráth an Dúin agus comhoibriú a dhéanamh le Comhairlí eile i mBaile Átha Cliath	Le cinneadh má chuirtear an cuspóir i bhfeidhm / i gcás ina gcuirtear i bhfeidhm é	Taisteal Gníomhach	CoCo dlr	2028/ 2029
	4.1.5 Forbairt a dhéanamh ar chaidrimh agus ar chlár póilótach a chuireann páirceanna imeartha scoile, hallaí agus cúirteanna ar fáil le linn laethanta saoire an tsamhraidh scoile chun cláir ghníomhaíochta coirp a chur ar fáil dóibh siúd is mó a bhfuil gá acu leis m.sh daoine óga faoi mhíbhuntáiste, leanaí faoi mhíchumas srl.	Le cinneadh má chuirtear an cuspóir i bhfeidhm / i gcás ina gcuirtear i bhfeidhm é	CoCo dlr	CoCo dlr, Scoileanna	2028/ 2029



ROINN C
LÉARGAS AR
SPÓRT IN DLR

Seo a leanas achoimre ar an iliomad cineálacha gníomhaíochta spóirt a bhíonn ar siúl sa Chontae agus léiríonn sé conas is féidir le gach spórt nascadhle seachadadh rannpháirtíochta in DLR.



Boghdóireacht



Lúthchleasaíocht



Badmantan



Cispheil



Bollaí



Dornálaíocht



Camógaíocht



Canúáil



Dreapadóireacht



Cluichí Pobail



Cruicéad



Rothaíocht



Dairteanna



Eachaíocht



Pionsóireacht



Peil



Cluichí Gaelacha



Galf



Gleacaíocht



Liathróid láimhe CLG



Siúlóireacht



Cnocadóireacht



Haca



Júdo



Cadhcáil



Cidhornaíocht



Tarrtháil



Ealaíona comhraic



Mótarspórt



Liathróid láimhe Oilimpeach



Treodóireacht



Padal



Rith páirce



Pétanque



Leadóg phicile



Galf dhá mhaide



Ailleadóireacht



Rámhaíocht



Rugbaí



Seoltóireacht



Scúbadóireacht



Sciáil



Snúcar



Cluichí Oilimpeacha Speisialta



Scuais



Snámh farraige



Snámh



Leadóg bhoird



Taecuando



Leadóg



Trí-atlan



Ultimate Frisbee



Eitpheil



Siúl



Póló uisce

LÉARGAS AR SPÓRT IN DLR



Boghdóireacht

Is féidir an spórt a imirt laistigh nó lasmuigh ag brath ar an gcineál spóirt. D'éirigh go maith le hÉirinn agus Craobhchomórtas Boghdóireachta Faiche an Domhain ar siúl in Eastát Chill Ruaidhrí in 2016. Is féidir trealamh a iompar den chuid is mó maidir le suiteail in áiteanna éagsúla.

Tá bailiúchán mór de threalamh boghdóireachta ar fáil ag Fóillíocht dlr i mBaile Uí Lachnáin, a úsáidtear i gcampaí agus i gcláir laistigh den halla spóirt.



Lúthchleasaíocht

Tá cuid de na clubanna lúthchleasaíochta is rathúla sa tír lonnaithe sa Chontae agus tá tairbhe bainte ag an áit le blianta beaga anuas as forbairt áis Naomh Tomás i gcomhpháirtíocht le Club Lúthchleasaíochta Bhaile Átha Cliath Theas i nDún Droma, as an raon nua ag UCD, agus as athchóiriú an raoin 400 méadar i bPáirc Chill Bheagóige.

Cúig bliana ó shin, ní raibh ach an áis i bPáirc Chill Bheagóige ar fáil mar raon.

Déantar cur síos ar áiseanna reatha páirce in áiteanna eile agus d'éirigh go maith le Comhpháirtíocht Spóirt dlr grúpaí reatha pobail a chur ar bun ar féidir leo leanúint ar aghaidh as a stuaim féin.

Bíonn rith sna trí ghníomhaíocht fhisiceacha is mó in Éirinn go leanúnach, agus is féidir é a dhéanamhgan ballraíocht club ná le háiseanna ar leith. Is féidir le daoine aonair úsáid a bhaint as bóithre agus cosáin an Chontae, le cúram cuí agus cúirtéis chuí do reathaithe eile agus is féidir leo úsáid mhaith a bhaint as Páirceanna an Chontae.

Mar sin féin, tá scóip ann chun níos mó a fhorbairt ná na seacht gclub atá ann cheana sa Chontae agus níos mó struchtúir a sholáthar dóibh siúd ar mian leo speisialtóireacht a dhéanamh i ndisciplíní lúthchleasaíochta eile.




Badmantan

Tá Badmantan ar cheann de na spóirt rannpháirtíochta is mó tóir ar domhan agus tá tóir ar leith air mar spórt atá oscailte agus a bhfuil móréileamh air i measc grúpaí eitneacha.

Cuirfidh an fhorbairt atá le teacht ar Ionad Veileadróim agus Badmantain ag an gCampas Náisiúnta Spóirt áiseanna ardleibhéil ar fáil ar fud mhórchéantar Bhaile Átha Cliath.

Ba cheart áiseanna stórála a chur ar fáil le haghaidh úsáid roinnte don cheithre chlub Badmantan atá sa cheantar cheana féin agus is spórt é seo a bhfuil féidearthacht mhór ag baint leis maidir le méadú ar a thóir.



Cispheil

Tá traidisiún láidir rannpháirtíochta scoile agus ollscoile sa spórt seo, agus is gnách go mbíonn áiseanna club lonnaithe in ionaid oideachais.

Tá an Airéine Náisiúnta Cispheile lonnaithe i gContae Bhaile Átha Cliath Theas agus tá pleananna curtha isteach chun na háiseanna seo a athchóiriú agus a leathnú go forleathan. Ina theannta sin, tá áiseanna ardchaighdeán ann cheana féin in UCD agus i roinnt scoileanna áitiúla. Is gné mhór d'áiseanna spóirt poiblí ar fud na hEorpa í cispheil neamhfhoirmiúil agus ba cheart go mbeadh cur i bhfeidhm an trealamh spóirt “Box Up” ar fud an Chontae éifeachtach maidir le níos mó fonsaí cispheile aonair i bpáirceanna poiblí a thógáil chun gur féidir cluichí 3X3 a imirt agus gníomhaíocht neamhfhoirmiúil a dhéanamh.



Bollaí

Tá roinnt áiseanna príobháideacha ar fud an Chontae sa tSeanchill, i nDún Laoghaire, sa Charraig Dhubh agus in áiteanna eile.

Is spórt é seo nach gcuireann mórán brú ar an gcorp agus féachtar air mar spórt atá an-oiriúnach do rannpháirtithe níos sine.

Léiríonn an fás atá tagtha ar Pétanque, mar atá leagtha amach in áiteanna eile, go bhfuil éileamh ar an gcineál seo gníomhaíochta spóirt agus moltar go mbeadh an Chomhairle oscailte chun athchóiriú agus cothabháil a mhaoiniú in áiseanna chun rochtain oscailte níos fearr do chlár ar leith a bhaint amach.



Dornálaíocht

Tá traidisiún láidir áitiúil ann maidir le clubanna dornálaíochta laistigh de phobail, agus is spórt é a bhfuil tóir air ag leibhéal náisiúnta dtaca le maoiniú agus mar bhealach chun lucht féachana déimeagrafach difriúil a bhaint amach i gcomparáid le lucht féachana spóirt mhóra na páirce.

Tá áis chomhraic nua á forbairt ag dlr i mBaile an Mhanaigh a chuirfidh spás ar fáil le haghaidh roinnt fáinní dornálaíochta, agus atá le críochnú faoin gcéad ráithe in 2025. Tá pleananna i bhfeidhm freisin d'áis dornálaíochta níos lú atá ann cheana féin i gCeathrú an Notaigh, le pleananna chun stóras folamh a fhorbairt taobh thiar den áis atá ann cheana.

Dúshlán amháin is ea an tuairim gur gníomhaíocht í an dornálaíocht do phobail bheaga agus go mbeadh sé deacair áiseanna a roinnt, ach tagann sé sin salach ar an gcur chuige comhoibríoch a dhéanfaidh freastal ar spóirt eile agus nach mór a choinneáil chun feabhas a chur ar áiseanna spóirt ar féidir a sholáthar.



Camógaíocht

Is iondúil go gcomhoibríonn clubanna camógaíochta le clubanna eile a imríonn Cluichí Gaelacha, agus go n-úsáideann siad na háiseanna céanna. Ghlac roinnt de na clubanna móra ar fud an Chontae leis an múnla aon chlub amháin a chuireann Cluichí Gaelacha chun cinn go héifeachtach mar rogha chomhtháite spóirt, fiú roimh an lánpháirtiú atá á phleanáil faoi láthair ar leibhéal náisiúnta.

Tá an cur chuige comhoibríoch seo ag teacht leis an múnla comhoibrithe atá lárnach sa phlean seo.



Canúail / Cadhcáil

Tá roinnt clubanna cadhcála farraige ann chomh maith le daoine aonair a úsáideann an áis nádúrtha is follasach sa Chontae, an cladach. Is fadhb mhór é rochtain ar an uisce de réir comhairliúchán díreach agus ar líne agus tá iarracht déanta againn aghaidh a thabhairt air seo maidir le forbairt an Champais Náisiúnta Spóirt Uisce agus trí uasghrádú ginearálta a dhéanamh ar na háiseanna timpeall an chuain agus ag pointí feadh an chósta lena n-áirítear Trá Chill Iníon Léinín.

Measann úsáideoirí go bhfuil sé ríthábhachtach áiseanna páirceála le rochtain theoranta a chur ar fáil gar don bhealach isteach san uisce agus d'fhéadfaí é seo a dhéanamh dá ndéanfadh clubanna iarratas ar pháirceáil suaitheantais chun rochtain a fháil ar roinnt spásanna le rochtain theoranta sna háiteanna cearta.



Cluichí Pobail

Baineann grúpaí Cluichí Pobail a dhéanann ionadaíocht ar cheantair phobail áitiúla bunaithe ar theorainneacha paróiste úsáid as páirceanna agus áiseanna poiblí atá ann cheana féin.

D'fhorbair an úsáid seo le himeacht ama agus níl mórán fianaise ann go bhfuil gá le hathrú ar an gcur chuige.




Cruicéad

Dealraíonn sé go dtiocfaidh fás leanúnach ar an tóir a bhíonn ar chruicéad agus is spórt é a bhfuil spéis ar leith ag grúpaí eitneacha sa Chontae ann.

Déantar freastal maith ar Fhine Gall agus tá clubanna cruicéid aonair ann a bhfuil a n-áis féin ag gach ceann acu agus ceadaíodh áis náisiúnta cruicéid agus traenála a thógáil ag an gCampas Náisiúnta Spóirt i mBaile Bhlainséir.

Tá bearna sa soláthar áiseanna i nDún Laoghaire-Ráth an Dúin, áfach. Níl an tseanpháirc i gCábán tSíle in úsáid a thuilleadh agus is í an áis i bPáirc Sheangánaí, mar aon leis an líne chruicéid i bPáirc Mharlaí, an t-aon áis phoiblí sa Chontae.

Tá dúshlán ar leith ag baint le méid na páirce cruicéid agus leis an gcúram is gá a dhéanamh den gheaitín ó thaobh áiseanna comhroinnte de. Cé go bhfuil samhail spáis roinnte ag Railway Union i nDumhach Thrá, is annamh a tharlaíonn sé seo, agus d'fhéadfadh sé go mbeadh an tsamhail d'áiseanna a fhorbairt ar thalamh scoile, mar atá i gceist le Coláiste Naomh Aindriú i mBaile an Bhóthair, níos oiriúnaí ná iarracht a dhéanamh páirc a fhorbairt ar thalamh poiblí. Chuirfeadh sé seo ar chumas daoine níos mó úsáide a bhaint as ar bhonn úsáid aonair agus chuirfeadh sé ar chumas daoine leibhéal níos airde ó thaobh cúram talún agus cothabhála de atá riachtanach ar pháirc cruicéid.




Rothaíocht

Tá rothaíocht aonair tar éis teacht chun tosaigh i bpleanáil iompair laistigh den Chontae le blianta beaga anuas agus léirítear é seo trí fhorbairt phumpraonta in áiteanna éagsúla. Tá clubanna rothaíochta tar éis dul i mbun plé maidir le húsáid stórála agus áiseanna mar chuid d'áis Naomh Tomás agus is féidir é seo a leathnú go spás atá á chur ar fáil i láithreacha móra comhroinnte eile le haghaidh áiseanna spóirt faoi dhíon.

Ciallaíonn forbairt an veileadróim náisiúnta faoi dhíon ag Campas Spóirt Éireann nach bhfuil aon ghá soiléir le háis den chineál céanna i nDún Laoghaire-Ráth an Dúin. Táimid ar an eolas faoi phlé atá sna luathchéimeanna idir Rothaíocht Éireann agus Ráschúrsa Bhaile na Lobhar maidir le rochtain níos fearr ar na raonta a théann timpeall ar an ráschúrsa agus maidir le húsáid níos fearr a bhaint astu.

I gcomhairle, cuireadh an áis i bPáirc Chorcaí i gContae Bhaile Átha Cliath Theas chun tosaigh mar dhea-shampla agus b'fhéidir go bhféadfaí leagan de sin a dhéanamh mar chuid de na díospóireachtaí maidir le forbairt i mBaile na Lobhar de réir stíl champais. D'fhéadfadh go n-áireofaí leis seo áis rothar BMX a sholáthar le cur in ionad ceann a bhí ann roimhe seo i bPáirc Mharlaí. Tá straitéis rothaíochta mhionsonraithe ag an gComhairle ('Smarter Travel, Better Living 2010') ina bhfuil raon gníomhaíochtaí agus beartas ar cheart dóibh a bheith mar chuid de leibhéal láidir rannpháirtíochta idir Aonad Áiseanna Spóirt níos láidre a mholtar sa phlean seo agus an fhoireann rothaíochta in lompár.



Dairteanna

Is fiú súil a choinneáil ar an bhfás atá ag teacht ar an éileamh atá ar Dhairteanna. D'fhéadfaí, agus níos mó áiseanna spóirt faoi dhíon á bhforbairt, spás a chur ar fáil d'Acadamh Dairteanna cosúil leo siúd atá ann i Sasana ar bhonn féinchothabhalach, ach nach bhfuil spás buan tugtha dóibh fós in Éirinn.



Eachaíocht

Tá go leor ionaid eachaíochta ar fud an Chontae a reáchtáiltear go príobháideach. D'fhéadfaí iad a nascadh níos mó leis an scáth spóirt trí iad a áireamh mar 'clubanna' agus trí rannpháirtíocht a spreagadh i gcláir faisnéise agus oideachais de chuid na Comhpháirtíochta Áitiúla Spóirt. Is féidir le cur chun cinn a gcuid gníomhaíochtaí feabhas a chur ar an teacht atá acu ar ár bpobal uirbeach freisin.



Pionsóireacht

Tá gá le spás faoi dhíon ar mhaithe le rannpháirtíocht agus stóráil agus is spórt é seo a bhainfidh tairbhe as an mbéim mhéadaithe atá ar úsáid nuálach áiseanna spóirt faoi dhíon.



Peil

Cuireann peil, mar aon le CLG agus Rugbaí an tseirbhís soláthair cluichí is mó ar fáil, go háirithe i measc aoisghrúpaí níos óige, agus is iad na spóirt seo is mó a bhíonn ag baint úsáid as áiseanna talún agus club atá faoi úinéireacht na Comhairle.

Cuirfidh an córas nua áirithinte ar líne, i gcomhar leis an mbunachar sonraí “Éirigh Gníomhach in Éirinn”, eolas ar fáil atá níos cothroime le dáta ná riamh maidir le húsáid. Is dúshlán é an líon mór clubanna aonair atá ann agus ní réiteofar é ach amháin ach trí thoilteanas i dtaobh níos mó áiseanna a roinnt.

Aithnítear gur dúshlán é an fás atá tagtha ar pheil na gcailíní agus na mban ó thaobh gá breise le spás ach gur deis é freisin cur chuige níos cothroime a ghlacadh maidir le hinscne i gcúrsaí spóirt. Ba cheart go mbeadh sé d'oibleagáid ar chlubanna a bhaineann leas as talamh na Comhairle rochtain chomhionann a thabhairt do bhuachaillí agus cailíní, d'fhoirne na bhfear agus na mban, bíodh sé sin lena gclub féin nó trí chomhpháirtíocht le clubanna eile.

Tá togra mionsonraithe ag an FAI chun áiseanna a fhorbairt ag gach leibhéal den chluiche, a éilíonn infheistíocht náisiúnta chomh maith le Ciste Áiseanna FAI a bhunú. Ba cheart d'Fheidhmeannacht na Comhairle súil ghéar a choinneáil ar fhorbairt an smaoinimh seo agus a bheith toilteanach cuidiú le forbairt tailte atá ann cheana le haghaidh feabhsúcháin nuair is gá.

Is fadhb é an brú atá ar áiseanna de bharr dúshláin ar leith agus ceann de na moltaí ná gur chóir go mbeadh cur chuige comhoibritheach níos mó ann maidir leis na ceithre réigiún d'údarais áitiúla i gceantar Bhaile Átha Cliath chun plé a dhéanamh ar sceidealú cluichí ar fud na dtrí mhór-spóirt páirce.

Leanann forbairt na n-áiseanna uile-aimsire, i gcomhpháirtíocht le scoileanna chun tairbhe a bhaint as dé-úsáid agus slándáil níos mó, de bheith ina gné thábhachtach den straitéis chun áiseanna a fhorbairt.



Cluichí Gaelacha

Cuireann na Cluichí Gaelacha, mar aon le Peil agus Rugbaí an tseirbhís soláthair cluichí is mó ar fáil, go háirithe i measc aoisghrúpaí níos óige, agus is iad na spóirt seo is mó a bhíonn ag baint úsáid as áiseanna talún agus club atá faoi úinéireacht na Comhairle.

Cuirfidh an córas nua áirithinte ar líne, i gcomhar leis an mbunachar sonraí “Éirigh Gníomhach in Éirinn”, eolas ar fáil atá níos cothroime le dáta ná riamh maidir le húsáid. Tá soláthar teoranta ann d'fhorbairt páirceanna imeartha nua ach spreagfaidh teicneolaíochtaí nua ó thaobh soláthar páirceanna imeartha de níos mó úsáide maidir le háiseanna atá ann cheana féin.

Tá sé tábhachtach a lua go bhfuil fás tagtha ar Pheil na mBan agus go bhfuil éileamh sa bhreis ann ó chlubanna atá ann faoi láthair agus atá ag streachailt leis an éileamh sin a shásamh. Ba cheart an deis seo a thapú chun cur chuige níos cothroime a ghlacadh maidir le hinscne i gcúrsaí spóirt.

Ba cheart go mbeadh sé d'oibleagáid ar chlubanna a bhaineann leas as talamh na Comhairle rochtain chomhionann a thabhairt do bhuachaillí agus cailíní, d'fhoirne na bhfear agus na mban, bíodh sé sin lena gclub féin nó trí chomhpháirtíocht le clubanna eile. Tá go leor de na socruithe idir an Chomhairle agus clubanna i bhfeidhm le clubanna atá cláraithe faoin CLG seachas le Cumann Pheil na mBan nó leis an gCumann Camógaíochta.

Tá comhtháthú na dtrí chumann ag druidim níos gaire ach sula ndéanfar é sin a chur ar bhonn foirmiúil ba cheart dúinn glacadh leis an mbeartas talamh agus tacaíocht a thabhairt do chlubanna ina bhfuil comhionannas i bhfeidhm. Déantar tagairt níos mó dó sin sa roinn ‘Spórt na mBan’ den cholún ‘Cuimsiú’ sa phlean seo.

Mar is amhlaidh le peil, is fadhb é an brú ar áiseanna de bharr dúshláin ar leith agus ceann de na moltaí ná gur chóir go mbeadh cur chuige comhoibritheach níos mó ann maidir leis na ceithre réigiún d'údarais áitiúla i gceantar Bhaile Átha Cliath chun plé a dhéanamh ar sceidealú cluichí ar fud na dtrí mhór-spóirt páirce.

Leanann forbairt na n-áiseanna uile-aimsire, i gcomhpháirtíocht le scoileanna chun tairbhe a bhaint as dé-úsáid agus slándáil níos mó, de bheith ina gné thábhachtach den straitéis chun áiseanna a fhorbairt.



Galf

D'éirigh go rímhaith le hobair i gcomhar leis an bhFondúireacht Charthanachta "Pádraig Harrington" maidir le hionad amasaithe gailf a sholáthar i bPáirc Mharlaí. Tá sé tar éis an spórt atá neodrach ó thaobh inscne de agus aoisbháúil a chur chun cinn i measc líon níos mó den phobal i gcoitinne. Tá áis phoiblí ag an gComhairle sa Chéim, agus ba cheart é sin a choinneáil mar ghné thábhachtach de sholáthar ginearálta spóirt na Comhairle. Thug Club Leadóige na Seanchille an deis do dhaoine Leadóg na nDall a imirt, agus táthar tar éis comórtais réigiúnacha agus náisiúnta den spórt a imirt ann, agus d'fhéadfaí cur chuige den chineál céanna a ghlacadh maidir le Galf na nDall ag an gCéim freisin.



Gleacaíocht

D'fhéadfadh gleacaíocht a bheith mar cheann de na spóirt is mó a bhainfidh tairbhe as an mbéim mhéadaithe ar sholáthar áiseanna móra spóirt faoi dhíon.

Ba cheart staidéar a dhéanamh ar shamhail Gleacaíocht Éireann mar phríomhthionónta ag an Airéine Náisiúnta faoi Dhíon de chuid Champas Spóirt Éireann agus é a chur i bhfeidhm mar rogha do chlubanna sa cheantar a bhfuil rátaítrachtála á n-íoc acu faoi láthair le haghaidh áiseanna in aonaid thionsclaíocha. Tá an spórt ag fás go tapa, agus is dócha go leanfaidh sé seo ar aghaidh leis an dul chun cinn atá déanta i bhfeidhmíocht na lúthchleasaithe is fearr in Éirinn ar stáitse an domhain.



Liathróid láimhe CLG

Tá Ionad Náisiúnta Liathróid Láimhe nua forbartha ag an CLG in aice le Páirc an Chrócaigh, ach taobh amuigh de chúirteanna ilúsáide in UCD, níl aon rochtain éasca ar na háiseanna sa Chontae.

Aithnítear gur spórt tábhachtach é seo do Phobal an Lucht Siúil agus déantar níos mó plé air sa roinn "Cuimsiú" den phlean seo.



Siúlóireacht agus Cnocadóireacht

Baineann cnocadóireacht úsáid mhaith as an mbonneagar nádúrtha. Tá tarraingt mhór ar roinnt cosán i gceantar sléibhte Bhaile Átha Cliath agus feadh Shlí Shléibhte Bhaile Átha Cliath.

Bheadh aon fhorbairtí amach anseo le déanamh i gcomhpháirtíocht le Comhpháirtíocht Shléibhte Bhaile Átha Cliath óir tá roinnt mhaith den talamh ar a bhfuil na cosáin seo lonnaithe faoi úinéireacht Coillte.

Tá Dún Laoghaire-Ráth an Dúin bródúil as a fhéiniúlacht agus an ceantar suite idir na sléibhte agus an fharraige, agus ba chóir féachaint air mar cheantar tábhachtach agus an-áitiúil ina bhféadfaí dul chun cinn a dhéanamh.



Haca

Tá haca ar an gceathrú spórt páirce is mó a sholáthraíonn spórt do líon suntasach rannpháirtithe. Tá cothabháil áiseanna príobháideacha agus scoile costasach, rud a chruthaíonn éileamh ar áiseanna poiblí chun an t-ualach airgeadais a laghdú.

Dúshlán, áfach, is ea an tuairim nach féidir ach haca amháin a imirt ar an bpáirc imeartha de bharr dhromchla na páirce, rud nach gcloífidh leis an mbeartas maidir le cur chuige comhoibríoch ilspóirt.

I bhfianaise a theoranta agus atá spás agus maoiniú, chomh maith le soláthar páirce príobháideach atá ann cheana féin, ciallaíonn sé seo nach féidir tosaíocht a thabhairt do haca maidir le féidearthachtaí infheistíochta in áiseanna.

Tá tuilleadh imscrúdaithe ar cháilíocht na páirce de dhíth, ionas go bhféadfaí freastal a dhéanamh ar haca in éineacht le mór-spóirt páirce eile.



Júdó

Tá dlr ag forbairt áis chomhraic nua i mBaile na Manach a chuirfidh spás ar fáil le haghaidh roinnt fáinní dornálaíochta, atá le críochnú faoi dheireadh 2024. D'fhéadfadh spás a bheith ar fáil in Áis Phobail Bhaile an Chnoic mar thoradh ar fhorbairt na háise comhraic nua seo, agus d'fhéadfadh clubanna eile a bheith in ann é a úsáid.



Cicdhornálaíocht

Tá dlr ag forbairt áis chomhraic nua i mBaile na Manach a chuirfidh spás ar fáil le haghaidh roinnt fáinní dornálaíochta, atá le críochnú faoi dheireadh 2024. D'fhéadfadh spás a bheith ar fáil in Áis Phobail Bhaile an Chnoic mar thoradh ar fhorbairt na háise comhraic nua seo, agus d'fhéadfadh clubanna eile a bheith in ann é a úsáid.



Tarrtháil

Tá sé tábhachtach béim níos mó a chur ar Tharrtháil mar go bhfuil níos mó éilimh ar shnámh linne agus snámh farraige.

Ní mór na Linnte Fóillíochta atá in dlr cheana a choinneáil ar bun agus a leathnú fiú amháin.



Ealaíona comhraic

Tá dlr ag forbairt áis chomhraic nua i mBaile na Manach a chuirfidh spás ar fáil le haghaidh roinnt fáinní dornálaíochta, atá le críochnú faoin gcéad ráithe in 2025. D'fhéadfadh spás a bheith ar fáil in Áis Phobail Bhaile an Chnoic mar thoradh ar fhorbairt na háise comhraic nua seo, agus d'fhéadfadh clubanna eile a bheith in ann é a úsáid.



Mótarspórt

Rinneadh tagairt i gcomhairle roimhe seo go bhféadfaí imeacht rásaíochta ghuaisteán a chur ar bun ar shráideanna Dhún Laoghaire. Ní dócha go dtarlódh sé sin, ní mheastar go mbeadh imeacht den sórt sin inmharthana sa ghearrthéarma ná sa mheántéarma, mar sin in éagmais aon phleananna ní thabharfar tosaíocht dó.



Liathróid láimhe Oilimpeach

Is spórt eile é Liathróid Láimhe Oilimpeach a bhainfidh leas mór as an mbéim mhéadaithe ar úsáid nuálach áiseanna spóirt faoi dhíon. Tá spéis ar leith ag pobail Éireannacha nua ann chomh maith.



Treodóireacht

Ar an gcaoi chéanna leis an gcnocadóireacht, baineann treodóireacht úsáid mhaith as bonneagar nádúrtha. Is féidir féachaint air mar bhealach dearfach chun páirceanna Dhún Laoghaire-Ráth an Dúin a oscailt do ghníomhaíocht choirp eagraithe atá inbhuanaithe agus á feidhmiú ag Comhlacht Rialaithe Náisiúnta don spórt. Bheadh aon fhorbairtí amach anseo le déanamh i gcomhpháirtíocht le Comhpháirtíocht Shléibhte Bhaile Átha Cliath óir tá roinnt mhaith den talamh ar a bhfuil na cosáin seo lonnaithe faoi úinéireacht Coillte. Tá Dún Laoghaire-Ráth an Dúin bródúil as a fhéiniúlacht agus an ceantar suite idir na sléibhte agus an fharraige, agus ba chóir féachaint air mar cheantar tábhachtach agus an-áitiúil ina bhféadfaí dul chun cinn a dhéanamh.



Padal

Is spórt é atá tar éis leathnú go tapa i dTuaisceart na hEorpa agus atá tar éis infheistíocht shuntasach in áiseanna príobháideacha a mhealladh. Is fiú machnamh a dhéanamh ar chúirt a thógáil a bhfuil rochtain ag an bpobal uirthi má tá áiseanna leadóige atá ann cheana á n-athfhorbairt.



Rith páirce

Gluaiseacht mhór a bhaineann úsáid den scoth as páirceanna poiblí, go luath maidin Dé Sathairn de ghnáth, agus atá féinchothabháilte trí obair na n-oibrithe deonacha. D'fhéadfaí spás stórála do threalamh eagraithe a fháil mar chomhartha tacaíochta do ghníomhaíocht a sholáthraíonn go leor gan mórán caiteachais ón gChomhairle.



Pétanque

Léiríonn an fás atá tagtha ar Pétanque go bhfuil éileamh ar an gcineál seo gníomhaíochta spóirt agus moltar go mbeadh an Chomhairle oscailte chun athchóiriú agus cothabháil a mhaoiniú in áiseanna chun rochtain oscailte níos fearr do chlár ar leith a bhaint amach.



Leadóg phicile

Spórt eile atá ag fás agus ag déanamh dul chun cinn maidir le haois agus le hinscne. Go ginearálta, d'fhéadfaí spórt “pop up” a dhéanamh as trí úsáid a bhaint as áiseanna scoile agus hallaí faoi dhíon.



Galf dhá mhaide


Tá roinnt cúrsaí gailf dhá mhaide ar fud an Chontae a mheallann réimse aoiseanna éagsúla. Feidhmíonn siad mar chlubanna príobháideacha den chuid is mó, agus tá infheistíocht theoranta i gceist leo. D'fhéadfaí imeacht bliantúil a eagrú thar na cúrsaí éagsúla, rud a chruthódh dea-thoil don Chomhairle.



Ailleadóireacht

Tá áiseanna príobháideacha faoi dhíon ar fáil in Áth an Ghainimh agus d'fhéadfaí iad a mheas freisin mar chuid den chás gnó a bhaineann le hÁiseanna Móra faoi Dhíon.

Is ionad áitiúil mórélímh é Cairéal Dheilginse le níos mó ná 300 bealach dreapadóireachta, agus tá a úsáid éascaithe ag an gComhairle.



Rámhaíocht

Is féidir go mbainfeadh an rámhaíocht tairbhe as forbairt an Champais Náisiúnta Spóirt Uisce agus feabhsuithe gaolmhara maidir le rochtain ar an uisce agus ar áiseanna chun seomraí feistis agus trealamh a stóráil.



Rugbaí

Cuireann Rugbaí, mar aon le Peil agus na Cluichí Gaelacha an tseirbhís soláthair cluichí is mó ar fáil, go háirithe i measc aoisghrúpaí níos óige, agus is iad na spóirt seo is mó a bhíonn ag baint úsáid as áiseanna talún agus club atá faoi úinéireacht na Comhairle.

Mar an gcéanna leis an dá cheann eile, cuirfidh an córas nua áirithinte ar líne, i gcomhar leis an mbunachar sonraí “Éirigh Gníomhach in Éirinn”, eolas ar fáil atá níos cothroime le dáta ná riamh maidir le húsáid.

Tá soláthar teoranta ann d'fhorbairt páirceanna imeartha nua ach spreagfaidh teicneolaíochtaí nua i soláthar páirceanna imeartha níos mó úsáide maidir le háiseanna atá ann cheana féin. Cuireann an fás atá tagtha ar Rugbaí Laighean mar spórt gairmiúil tacaíocht ar fáil do chlubanna aonair, chomh maith le cóitseálaithe agus oifigigh forbartha chun oibriú leis an gComhairle.


Tá fás chluiche na mBan tar éis a bheith níos moille ná an dá mhór-spórt páirce eile ach ba cheart é a spreagadh ar an gcaoi chéanna fós, tríd an gceanglas atá ar gach club a fhaigheann spórt ón gComhairle agus a úsáideann áiseanna na Comhairle rochtain chomhionann a chur ar fáil do bhuachaillí agus do chailíní, d'fhoirne na bhfear agus na mban, bíodh sé sin lena gclub féin nó trí chomhpháirtíocht le clubanna eile.



Seoltóireacht


Is spórt ardphróifíle agus an-fheiceálach í an tseoltóireacht i nDún Laoghaire. Tá na príomháiseanna faoi úinéireacht phríobháideach, ach tá sé beartaithe Campas Náisiúnta Spóirt Uisce a fhorbairt don chuan, agus beidh sé seo lárnach d'fhéiniúlacht an spóirt sa cheantar agus mar ghné mhór den turasóireacht.

Is é seo an seans is fearr ina soláthróidh an Contae 'staid' a bheidh oiriúnach ní hamháin d'fhorbairt an spóirt, ach chun níos mó imeachtaí náisiúnta agus idirnáisiúnta a chur ar bun. Pléitear an Campas Náisiúnta Spóirt Uisce ar bhealach níos mionsonraithe mar chuid den ghné "Áit" den Phlean. Measann úsáideoirí go bhfuil sé rithabhachtach áiseanna páirceála le rochtain theoranta a chur ar fáil gar don bhealach isteach san uisce agus d'fhéadfaí é seo a dhéanamh dá ndéanfadh clubanna iarratas ar pháirceáil suaitheantais chun rochtain a fháil ar roinnt spásanna le rochtain theoranta sna háiteanna cearta.



Scúbadóireacht

Baineann clubanna úsáid as na háiseanna atá ann cheana i gCuan Bhlóic agus i mBá an Albanaigh, agus rinne an Chomhairle na háiseanna i mBá an Albanaigh a athchóiriú agus a athoscailt le blianta beaga anuas.



Sciáil

Is leor an áis phríobháideach faoin aer i gCill Tiarnáin do spórt nach bhfuil ach clúdach teoranta aige in Éirinn. Meastar gur fiú don Chomhairle tacaíocht a thabhairt don líon beag daoine díograiseacha a reáchtálann an club, agus gur beag obair atá i gceist leis seo.



Snúcar

Níl aon ghá i ndáiríre le háiseanna breise a chur ar fáil seachas iad siúd atá faoi úinéireacht phríobháideach.



Cluichí Oilimpeacha Speisialta

Tá Gluaiseacht na gCluichí Oilimpeacha Speisialta an-luachmhar don phobal agus cé go gciallaíonn an tsamhail ilspóirt a bhaineann leis gur féidir freastal ar ghné na n-áiseanna faoi na tagairtí éagsúla spóirt sa phlean seo, tá an-mholadh ag baint leis an deis chun ceanncheathrú réigiúnach a chur ar fáil laistigh de cheann de na háiseanna Móra faoi Dhíon.



Scuais

Cuireadh Scuais san áireamh ar an gClár Oilimpeach do Los Angeles in 2028 agus mar sin táthar ag súil le go dtiocfaidh méadú ar an tóir atá uirthi.

Tá líon teoranta cúirteanna ar fáil in UCD agus i gclubanna príobháideacha, ach is dúshlán iad a chur ar fáil sna háiseanna Móra faoi Dhíon de bharr an méid spáis atá ag teastáil.



Snámh farraige

Is gníomhaíocht spóirt é snámh farraige a bhfuil an-tóir air agus atá an-infheicthe mar gheall ar Chladach an Daichead Troigh, Bá an Albanaigh, Vico, an Charraig Bhán, agus Rinn na Mara, agus is spórt é atá oscailte do chách nuair atá sé sábháilte le déanamh.

Is áiteanna iad a mbíonn an-tóir ag turasóirí orthu sa Chontae freisin.

Tá na háiseanna atá ar fáil do lucht snámha teoranta agus níl aon uasghrádú déanta orthu le blianta beaga anuas. Is éard atá íorónta faoi seo ná go gcaithfí an áis a dhúnadh go sealadach chun aon uasghráduithe a dhéanamh, agus ní thaitneodh sé seo le daoine. Agus béim láidir ar an bhfarraige agus ar fhorbairt an Champais Náisiúnta Spóirt Uisce, ba cheart dianmhachnamh a dhéanamh air seo, áfach, i gcomhairle le Cumann Snámh Éireann.



Snámh agus Póló Uisce

Baintear úsáid mhaith as Áiseanna Fóillíochta dlr atá ann cheana féin mar aon le linnte príobháideacha in UCD agus i Scoil na Páirce Nua, agus linnte níos lú i gclubanna óstáin agus fóillíochta.

Bíonn brú leanúnach ar áiseanna atá ann cheana de bharr an tábhacht a bhaineann le snámh mar thionscnamh sábháilteachta poiblí.

Léirigh an ghéarchéim fuinnimh agus géarchéim an chostais maireachtála le déanaí cé chomh costasach is atá sé áiseanna a fheidhmiú. Cé go bhfuil an dá bhrú sin fós ann, d'fhéadfaí machnamh a dhéanamh ar fhóirdheontas a sholáthar do ghrúpaí aonair nuair a meastar go bhfuil rochtain ar na linnte snámha róchostasach.



Leadóg bhoird

Is spórt eile í leadóg bhoird a bhaineann leas mór as an mbéim mhéadaithe ar an úsáid nuálach a bhaintear as áiseanna spóirt faoi dhíon. Tá sé tábhachtach boird agus trealamh a stóráil go sábháilte.

Mar gheall ar an tóir dhomhanda agus an líon daoine a imríonn é, tá sé tarraingteach go háirithe do phobail éagsúla agus d'aoiseanna éagsúla.

D'fhéadfadh soláthar féideartha boird amuigh faoin aer atá gar d'aonaid 'Box Up' a bheith ina bhealach chun soláthar spóirt inrochtana agus éasca le himirt a mhéadú.



Taecuando

Tá dlr ag forbairt áis chomhraic nua i mBaile na Manach a chuirfidh spás ar fáil le haghaidh roinnt fáinní dornálaíochta, atá le críochnú faoin gcéad ráithe in 2025. D'fhéadfadh spás a bheith ar fáil in Áis Phobail Bhaile an Chnoic mar thoradh ar fhorbairt na háise comhraic nua seo, agus d'fhéadfadh clubanna eile a bheith in ann é a úsáid.



Leadóg

D'éirigh thar barr le hinfheistíocht na Comhairle i gClub Leadóige na Seanchille le blianta beaga anuas.

Cuireadh feabhas ar inrochtaineacht maidir leis an meascán idir bhaill reatha agus bhaill an phobail trí Leadóg na nDall a spreagadh agus trí rochtain níos fearr a thabhairt do dhaoine faoi mhíchumas. D'fhéadfadh Cumann Leadóige na hÉireann a bheith ar cheann de na Comhlachtaí Náisiúnta Spóirt a bhfuiltear chun dul i dteagmháil leo d'fhonn cláir phíolótacha a réachtáil sa Chontae, ionas gur féidir úsáid phoiblí níos mó a bhaint as áiseanna príobháideacha a bhain tairbhe as maoiniú suntasach faoin Scéim Deontais Chaipitil Spóirt le blianta beaga anuas.



Trí-atlan

Cé go mbaineann an Trí-atlan úsáid as áiseanna atá coitianta dóibh siúd a theastaíonn le haghaidh lúthchleasaíochta, rothaíochta agus snámha, is spórt ann féin é agus is spórt é a bhfuil tóir air i gceantar Bhaile Átha Cliath.

Ba cheart áiseanna comhroinnte stórála agus cothabhála rothar a bheith mar chuid den phlé maidir le forbairt na nÁiseanna Móra faoi Dhíon, rud a chruthóidh mórtas pobail do chlubanna spóirt.



Ultimate Frisbee

Is spórt 'pop-up' é atá dírithe ar an óige agus níl aon áis shonrach ag teastáil chun é a imirt, agus is féidir é a imirt i spás poiblí.

Bheadh an fhéidearthacht d'imeacht náisiúnta le tacaíocht ón gComhairle mar chuid de "Fhéile Spóirt Dhún Laoghaire-Ráth an Dúin" luachmhar agus leagfadh sé béim ar a fhiúntaí agus atá údarás áitiúil atá dírithe ar smaointe úra spóirt.



Eitpheil

Is spórt eile í eitpheil a bhaineann leas mór as an mbéim mhéadaithe ar úsáid nuálach áiseanna spóirt faoi dhíon.

Mar gheall ar an tóir dhomhanda agus an líon daoine a imríonn í, tá sí tarraingteach go háirithe do phobail éagsúla.

Ardófar infheictheacht agus tóir an spóirt le léiriú Chraobhchomórtas Eorpach na mBan faoi 20 i mBaile Átha Cliath in 2024.



Siúl

Is dócha gurb é an ghníomhaíocht fhisiciúil is coitianta an ceann a éilíonn an méid is lú bonneagair sa bhreis ar an méid atá ann cheana.

Is féidir siúl ar ár gcosáin agus inár bpáirceanna poiblí a spreagadh trí chothabháil mhaith a dhéanamh ar an réimse poiblí agus b'fhéidir trí lúba siúil ar leith a chruthú agus a chur chun cinn chun na páirceanna, na céanna, na cladaí agus go leor eile a chur san áireamh chun turasóirí a mhealladh.





AGUISÍN




Benny Cullen, Director of Research and Innovation

2023 ISM – DLR Results

- The 2023 Irish Sports Monitor is a large population survey of sports participation and physical activity in Ireland by people aged 16 and over.
- Of the 8,512 respondents surveyed in 2023, 2,552 people reported living in Dublin County and 391 people reported living in Dun Laoghaire Rathdown.
- The percentage point estimates should take into account the sample size for each geographic area and the associated margin of error.
 - ISM Sample, National Sample n=8,512, margin of error at the 50% estimate less than +/- 1.1%
 - ISM Dublin County Sample = 2,512, margin of error at the 50% estimate +/- 2.0%
 - ISM South Dublin Sample n =391, margin of error at the 50% estimate +/- 5.0%
 - Margin of error is greater in subgroup analysis.
 - However, margin of error is smaller at estimates less than or greater than 50%.
- The unweighted gender and age profile of the Dun Laoghaire Rathdown 2023 Census and the 2023 ISM sample is summarised in the next two slides. No weighting was applied to the data for this analysis.

2023 ISM DLR Sample




ISM Sample, National n=8,512 (MOE less than +/- 1.1%), Dublin County = 2,552 (MOE less than +/- 2.0%), DLR n =391 (MOE less than +/- 5.0%)



sportireland.ie

2023 ISM DLR Sample



ISM Average Age, National = 46.2, DLR 49.2, Dublin 44.6



sportireland.ie

Caidrimh idir Páirtithe Leasmhara Inmheánacha



Caidrimh idir Páirtithe Leasmhara Seachtracha



Criteria for future development of facilities

Tá sé tábhachtach i bhforbairt na n-áiseanna spóirt don todhchaí go bhfuil na páirtithe go léir ar an eolas faoi na critéir a chuirfear i bhfeidhm chun breithniú a dhéanamh ar iarratas ar fhorbairt na n-áiseanna spóirt laistigh de dlr. Beidh an próiseas sin mar chuid de chuspóir dlr spóirt pobail cuimsitheach, ilúsáide agus inbhuanaithe a chur ar fáil, chomh maith le bonneagar fóillíochta gníomhach.

Déanfar é seo tríd an bpróiseas thíos.

Ní mór do chlubanna an méid seo a leanas a thaispeáint:

Measúnú maidir le hAnailís ar riachtanais	Ní mór do gach club a úsáideann nó a dhéanann iarratas chun áiseanna atá faoi úinéireacht agus á n-oibriú ag Comhairle Contae Dhún Laoghaire-Ráth an Dúin a bheith cleamhnaithe lena gComhlacht Rialaithe Náisiúnta mar atá aitheanta ag Spórt Éireann agus ní mór dóibh dea-stádas a bheith acu.
Úsáid na nÁiseanna	Mar chuid den chomhaontú chun áiseanna a úsáid, ní mór do chlubanna leas iomlán a bhaint as an gcóras áirithinte ar líne chun a líon ball cláraithe, líon na bhfoirne a bhíonn acu agus líon na n-imeachtaí / na gcluichí agus na spásanna traenála a úsáideann siad laistigh d'áiseanna na Comhairle a chur san áireamh. Tabharfaidh sé sin níos mó eolais ar an mbrú ar áiseanna agus ar an gclár cothabhála atá ag teastáil, agus beidh sonraí ann ansin maidir le patrúin úsáide agus bearnaí a d'fhéadfadh a bheith ann chun imscrúdú breise a dhéanamh.
An Todhchaí	Ba cheart go mbeadh plean straitéiseach cothrom le dáta ag clubanna agus grúpaí bunaithe ar fhás san am atá thart agus fás réamh-mheasta sa todhchaí laistigh dá gclub.
Measúnú maidir le hAnailís ar riachtanais	Má ullmhaítear measúnú láidir, déanfaidh sé sin maitheas maidir le riachtanais na n-áiseanna a thuiscint agus le tionchar a imirt orthu laistigh de réimsí sonracha in dlr, agus soláthraithe eile á gcur san áireamh; tábhacht an oideachais, soláthar na hearnála príobháidí agus deonaí agus cur chuige comhoibríoch, lena dtuigtear na saincheisteanna soláthair agus éilimh sna réimsí sin.
An Líon is mó Daoine Aonair	Tabharfar tosaíocht maidir le hinfheistíocht chaipitil do thionscadail a fhreastalaíonn ar an líon is mó daoine aonair ar fud raon aoiseanna, gníomhaíochtaí agus cumas laistigh den phobal.
Rogha Comhoibrithe	Tabharfar tosaíocht maidir le hinfheistíocht chaipitil do thionscadail atá curtha ar aghaidh ag clubanna nó scoileanna i gcomhpháirt lena chéile, lena n-éascófar ilúsáid na spásanna atá beartaithe.
Úinéireacht Talún	Tabharfar tosaíocht d'aighneachtaí forbartha ar thalamh poiblí seachas iad siúd atá faoi úinéireacht phríobháideach.

Téarmaí Tagartha maidir le Straitéis Páirce

Le linn an phróisis comhairliúcháin don “Phlean Áitiúil Spóirt agus Gníomhaíochta Coirp”, cuireadh in iúl go soiléir gur cheart píos taighde níos mionsonraithe a dhéanamh maidir leis na páirceanna imeartha laistigh de dlr. Go stairiúil, tagann méadú ar bhallraíocht clubanna áitiúla, agus tagann athrú ar a riachtanais agus cuireann sé sin brú ar an gComhairle freastal ar na héilimh sin trí pháirceanna imeartha nua a sholáthar — ach mar gheall ar an áit a bhfuil dlr suite idir na sléibhte agus an fharraige, agus an easpa spás oscailte, ní rogha inbhuanaithe é seo a thuilleadh.

D’fhonn páirceanna imeartha a bhainistiú agus oibriú i dtreo is go mbeidh dóthain spáis ar fáil chun freastal ar na riachtanais páirce imeartha atá ann faoi láthair agus a bhfuiltear ag súil leo amach anseo, beidh an fhianaise is gá chun pleananna na Comhairle don todhchaí a chur chun cinn á cur ar fáil trí “Straitéis um Pháirceanna Imeartha” mhionsonraithe a fhorbairt.

Is é an chéad chéim chun tuiscint a fháil ar na saincheisteanna atá ann ag leibhéal áitiúil ná úsáid a bhaint as an gcóras áirithinte ar líne atá ann faoi láthair le haghaidh páirceanna imeartha féir. Déanfar an méid seo a leanas trí ‘Straitéis um Pháirceanna Imeartha’ ar leith a fhorbairt agus a chur i bhfeidhm:

- Creat soiléir comhtháite a chur ar fáil maidir leis an gcaoi a ndéanfar páirceanna imeartha a chothabháil agus a mhaoiniú amach anseo
- Cinnteoireacht sheasmhach thrédhearcach a chinntiú maidir le leithdháileadh páirceanna imeartha
- Machnamh a dhéanamh ar shaincheisteanna sonracha maidir le héileamh áitiúil agus aghaidh a thabhairt go soiléir ar riachtanais gach spóirt shainaitheanta sa cheantar, aghaidh a thabhairt ar ábhair imní maidir le bainistíocht, caighdeán agus inrochtaineacht i ndáil le soláthar áiseanna
- Spriocanna insroichte a bhunú a oireann do bhuiséad agus beartais soláthair an údaráis áitiúil.

